

सानसेयारि 'बड'सा' खौरांलाइयाव
अमाज्यादि जिज्जो लोब्बा थानाय रायथाय, अन्थाय,
अल, अल'बाथा आरु दावबायारि थावनि, पाके
बाइदिनि आयाव लिन्नाय लिन्निबां दैथाय हरु।
सानसेयारि 'बड'सा' खौरांलाइया सेबखानानि
फोसावगोन।
बड'सायाव लिन्नायनि हुबा खालाम,
'बड'सा' खौरांलाइया, जो बयबो आंगो खालाम।

सानसेयारि बड'सा मावखुलि
माइबं नोगार, जोहोलाव दैमालु लामा
कक्राझार, बिटिस-783370
Website: www.bodosanewspaper.com

सानसेयारि बड'सा



BODOSA ★ A Bodo News Daily ★ Monday ★ 14 December, 2020 Kokrajhar, BTC, Assam ★ Vol.- 30, Issue No. 258 ★ R.N.I.Regd.No.40994/91, AssamGovt.Regd.No.IPRD.40/2006/13, ★Rs.8/-

फरायसा आफादनिफ्राय लानानै राजखान्थि फोथारसिम प्रमद बर'

15 डिसेम्बरआव प्रमद बर'नि दैदेन्नायाव गोदान बिटिआर सरकारनि समायखिरा लागोन

कक्राझार, 13 डिसेम्बर: सोलिफु डिसेम्बर दाननि फेगो 15 डिसेम्बरखालि मोनसे गोजोन हाबाफारिनि गेजेरजो कक्राझारआव गोदान बिटिआर सरकारनि समायखिरा लानाय मे लखौ खु'गोन। मख'नो गोनांदि, इडपिपिएलनि आफादगिरि प्रमद बर'नि दैदेन्नायाव थांनाय बावैसो साननि गेजेराव जानानै थांनाय ब्रैथि बिटिसि बिसायख'थियाव दोलोआ मोन 12 बियाबफोरखौ देरहानो हानायजो बिटिआर खुंथायाव गुबुन दोलोफोरनि हेफाजाब लानानै फेगो 15 डिसेम्बरखालि गोदान बिटिआर सरकारनि थाखाय बिसायख'जानाय मावफु' सोद्रोमाफोरा गाव-गावनि



मासिखौ संबिधाननि खांथि फरायथिनानै समायखिरा लागोन। प्रमद बर'नि दैदेन्नायाव इडपिपिएल दोलोआ बिजेपि, जिएसपि दोलोखौ लानानै बे खेबआव गोदान बिटिआर सरकार दागोन। मख'नो गोनांदि, दिने गिबि मन्थि सर्बानन्द सनवालजो आसामनि मन्थि हिमन्त बिश्व शर्मा, बिजेपि दोलोनि राइज्योयारि आफादगिरि रन्जित दास, एमपि दिलिप शइकिया, बारग'एमपि बिस्वजित दैमारि आरु इडपिपिएलनि आफादगिरि प्रमद बर', जिएसपि दोलोनि आफादगिरि नब कुमार सरनिजाजो लोगोसे बिसायख'थियाव देरहानो हानाय मोनथाम दोलोनि गासै (□ 5 बिलाइआव)

बि टि आरनि गोदानै बिसायख 'जानाय सोदोमाफोरखौ साबायखर बाउदो गिबि मन्थिआ

ओन्सोलनि गोजोन आरु जौगाथायनि थाखाय सोद्रोमाफोरा मोजां खामानि मातनांगोन: सनवाल

दिसपुर, 13 डिसेम्बर: बिटिआर ओन्सोलनि बावैसो साननि गेजेराव जोबलानाय बिसायख'थियाव गोदान आरु मेहेरगोनांछे खु'फुनो हानाय हेफाजाब आरु मदद होनायनि थाखाय गिबि मन्थि सर्बानन्द सनवालआ बिटिआर ओन्सोलनि राइज्यो-राजाफोरखौ गोसो गोबांजो साबायख'र बाउयो। गिबि मन्थिआ लोगोसेयै गोजोन (□ 5 बिलाइआव)



बिटिआरनि गोदान गाहाय खुंगिरि प्रमद बर'खौ बरायनायजो लोगोसे रंजादो सालबारि जिल्ला इडपिपिएलआ



शबानीपुर, 13 डिसेम्बर: बड'लेण्ड टेरिटरियल रिजन सुंद'थै बिटिआरनि गाहाय खुंगिरि महैर बावैसो समनि गेजेराव सायख'जानाय आरु इडपिपिएल दोलोनि आफादगिरि प्रमद बर'खौ दिने बरायनायनि मुखब रंजा-बाजा (□ 5 बिलाइआव)

दैबानायाव आरु हा खुख'नायाव खहा जानायफोरनो 5 लाख रां अन्सुथाय हेगोन

गोदान दिल्ली, 13 डिसेम्बर: फेगो 2021 नि बिधान सभा बिसायख'थियाव मिरु खालामनानै दासान्दि माखासे ओन्सोलाव खुंथाय काउन्सिलनि बिसायख'थिनि गेजेरजो गोबां राजखान्थि दोलोफोरा बायदिसिना हाबाफारि लानायखौ नुनो मोन्दो। बे समनिफ्रायनो फेगो बिधान सभा बिसायख'थियाव मिरु खालामनानै राइज्योनि राजखान्थि दोलोफोरा फोसावनायखौ जायगा-जायगा (□ 5 बिलाइआव)

गाबोन बोसोरनि जोबथा सान मन'नाय नुगोन



गोदान दिल्ली, 13 डिसेम्बर: गाबोन समबारखालि बोसोरनि जोबथा सुर्य ग्रहन एबा सान मन'नाय जागोन। रोंगथिफोरनि बादिब्ला, जेक्ला साननि सोराडा मोनसे बाहागोआवल'नुजाथियो बेखौनो सान मन'नाय एबा सुर्य ग्रहन बुडे। फेगो बोसोर एबा 2021 आव नैथि खेब सुर्य ग्रहन फेगोन। (□ 5 बिलाइआव)

गाहाय मन्थि, नख'र मन्थिआ टुइटारनि गेजेरजो इडपिपिएल दोलोखौ बिजेपिनि लोगो दोलो होन्नानै फोसावदो

कक्राझार, 13 डिसेम्बर: जाय गोरोबथाय बर'हारिनि थाखाय गुबुन मोनसे जारिमिनारि गोरोबथा जादो बे बिटिआर गोरोबथानि दफाफोरखौ फारि-फारियै मावफुनायनि थांखिजो प्रमद बर'नि दैदेन्नायाव इडपिपिएल दोलोआ थांनाय बावैसो सान सिगां जालानाय ब्रैथि बिटिसि बिसायख'थियाव मैखोमै बाहागो लानानै राइज्यो-राजाफोरनि फोथायजाथाव भटखो मोन्नानै खुंथायाव गुबुननि हेफाजाबजो फेनो हाबाय। प्रमद बर'नि दैदेन्नायाव



इडपिपिएल दोलोआ गुबुननि हेफाजाबजो खुंथायाव फेनायखौ रोखा खालामनो हानायजो दिने गिबि मन्थि सर्बानन्द सनवालआ प्रमद बर'खौ बिटिआर सरकारनि गाहाय खुंगिरि महैर फोसावनाय जाबाय। बिटिआर खुंथायाव बाहागो थाफानाय बिजेपि दोलोआ गोनांथार बिफाव

राइज्योआव माइक्र फाइनान्सनि गोहेलो आरु दिथिनाया सोलिनाय नडा: सरकार

गुवाहाटी, 13 डिसेम्बर: माइक्र फाइनान्सनि लन लागोफोरनि थाखाय मोजां खौरां। बे समनिफ्राय राइज्यो सरकारआ गोखौ राहा लागोन माइक्र फाइनान्स कम्पनीफोरखौ। माइक्र फाइनान्सिये ल (□ 5 बिलाइआव)

लानायजो फेगो समावबो जुथायै बिसायख'थि गेलेनो बाथा जालायो। बेबादिनो सरकार दाफुनायनि साखा-फारायाव दासान्दि गुवाहाटीयाव राइज्योयारि बिजेपिनि दैदेनगिरिफोरजो गोनांथार जथुमनाय बुब्लियावनो इडपिपिएल दोलोआ बिजेपि

भेरगावआव गोदान बिटिआर सरकारखौ लानानै राइज्यो-राजाफोरा रंजादो

भेरगाव, 13 डिसेम्बर: मैया 12 डिसेम्बरखालि ब्रैथि बिटिसि बिसायख'थिनि भट साननाया जोबलानायनि फिथाइ बादिदै इडपिपिएल दोलोनि गुबुन दोलोखौ हेफाजाब लानानै गोदान बिटिआर सरकार (□ 5 बिलाइआव)



गुवाहाटी, 13 डिसेम्बर: आसामनि राइज्यो बेंगिरि जगदिश मुखिया दिने इडपिपिएल दोलोनि आफादगिरि प्रमद बर'नि दैदेन्नायाव इडपिपिएल, बिजेपि आरु जिएसपि दोलोनि जुथाय सरकार दानो दाबि खालामनाय फारिखान्थिखौ आजावबाय। मख'नो गोनांदि, गिबि मन्थि सर्बानन्द सनवालआ मोनथाम (□ 5 बिलाइआव)

आबहावा आरु हाग्रा बिफाननि खामानि सायाव खौरां लादो गिबि मन्थिआ



दिसपुर, 13 डिसेम्बर: गिबि मन्थि सर्बानन्द सनवालआ दिने गिबि मन्थिनि सरकार थाग्रा न'आव खुंथाय मोनसे जथुमनाय मेलआव आबहावा आरु हाग्रा बिफाननि खामानि-दामानिफोरनि सायाव सावरायलायनाय जायो। (□ 5 बिलाइआव)

आईपिएफआ आलादा डिमा हासाव काउन्सिल दाफुनो दाबिजो 12 घन्टा बन्द फोसावदो

गुवाहाटी, 13 डिसेम्बर: इन्डेजेनियस पिपुल्स फराम सुंद'थै आईपिएफआ गाबोन 14 डिसेम्बरखालि मोन 14 दाबिजो एनसि हिल्स बन्द हंखायदो। मख'नो गोनांदि, एनसि हिल्स जिल्लानि सिडाव थांनाय (□ 5 बिलाइआव)

17 बोसोरनि उनाव हाग्रामा महिलारिनि खुंथाया थुंगेबाय

कक्राझार, 13 डिसेम्बर: गोबां दान्थे-बिदान्थेनि गेजेरजो बो बिटिसि बिसायख'थियाव खु'फुनो हानायनि उनाव बिटिआर सरकारनि गोदान गाहाय खुंगिरिखौबो जोबथायाव सायख'नो हाबाय। अदेबानि बिटिसि खुंथायाव 17 बोसोर थाबोनाय हाग्रामा महिलारिनि खुंथाय गोहोखो गोखौ जुजिनयजो बोखारनो हादो इडपिपिएल आरु बिजेपि दोलोआ। ब्रैथि बिटिसि बिसायख'थियाव हाग्रामा महिलारिनि दैदेन्नाय बिपिएफ दोलोआ राइज्यो- (□ 5 बिलाइआव)

भेरगाव महकुमानि मोन 5 बियाबआव बिपिएफ दोलोआ जेनजोबदो

भेरगाव, 13 डिसेम्बर: बिटिआर सरकार दाफुनो हाग्रामा महिलारिनि सिमाडा जाफुंसाखिसै। उदालगुरि जिल्लायवा मिजिथिनाय बादिदै मासि मोनाखिसै बिपिएफ दोलोनि आफादगिरि हाग्रामा महिलारिआ। जिल्लायवा मोनसे मासियावल'देरहानायजोना थाबथानांदो। जिल्लानि भेरगाव महकुमानि मोन 5 परिषद बियाबआवबो खहा जानांदो बिपिएफ दोलोआ। राइज्यो-राजा सुबुफोरनि सोलायनाय नागिरानां बेफोर मासिआ इडपिपिएल दोलोनि फासै थाडे। गासै 17 बोसोर खुंथायाव थाबोनां बिपिएफ दोलोनि बिजाथि एबा आगुनि मावफुं सोद्रोमाया खामानि मावनायनि सायाव राइज्यो-राजाफोर नोजोर होनां (□ 5 बिलाइआव)

चभ 'लिन'

एन्टिसेप्टिक क्रीम
आरु
इमलियेट

आरो गोजो आरो गुरे विगुरनि थाखाय

सुजुगिरिनि खोलोम

बर 'नि दानाय-लुनाय आरो हारिमु लाखिनाय

बुंस हाथै समनिफ्रायनो गामिआव राइजो जाग्रा सुबुंफ्रा दानाय लुनायखौं गोनां आरिमु महरै गोबाना लाबोदों। बर' माहारिनि गेजेराव बाश्रा फंसे दड; 'जाय हिन्जावा दानाय लुनायाव आखाय गैया बे हिन्जाव सिख्लाखौं रावबो हाबा खालामा'। बाश्राया नंखाय नड। गामिआव नखरफ्रोमबो साल-गान्दैजों समायना इसानसाली थानायमोन। मेसैं बोथोर सौफेनाय लोगो लोगो नखर नखर सि सोनाय, नो-खन्नाय, बिनि उनाव गान्दैआव खुन्दुंखौं फान्ना सालाव दानाय। गामिआव हाबहैब्लानो नखर नखर खालथं, खालथं, माखु गाबनाय सोदोब खोनो मोननायमोन। आधिखालाव नाथाय गामिफ्राव हाबहैब्लाना माखु गाबनायखौं बारा खोनानो मोनलिया। मानि जाहोनाव गामिनि आइजोफ्रा सि दानायखौं नागारनो हमखो, बेखौंबो गोथोयै साननो गोनां जाबाय। गोदोफोर खुन्दुंखौं गाव गावनो बाइदि रोखोम मुवाजों गोमो, गोथां गोजा, गोमो दाउदै बाइदि रोखोम मुवाजों बाइदि बाइदि गाव गाना सि दानायमोन। दानिया नाथाय, हाथायाव मोननाय गोजा गोथां गोमो बाइदि रोखोम गाबनि खुन्दुं बायना दखना, जोमग्रा सिमा, बाइदि बाइदि रोखोमनि सि दाबाय।

गोदो गामि गामि इन्दि बिफानि बागान खालामना एमफौं फिनानै फिथोबनिफ्राय इन्दि, खुन्दुं दिहुनना इन्दि सि दानायमोन। नखराव जोमनो दाननायबो गुबुनोबो फानहरामोन। इन्दि सिनि बेसेनआ गोदोनिखुइ अधिखालाव गोबां ज'सिनबाय। गोबां रोखोमनि इन्दिसि दाना दिहुनो हाब्ला बेनिफ्रायबो गोबां रां मोननो हायो। बेजोंनो नखरनि गथ गथयनो लेखा-बायनो गाननाय जोमनायखौंबो ज'गार खालामनो हायो। आधिखालनि सुबुंफ्रा नाथाय इन्दिसिखौं जोमाबालानो हाथायाव मोननाय मनिपुरि जोमग्रा, काश्मीर साल बाइदि बाइदि सि फोरखौंसो बायना जोमसै।

सिनि फालांगि खालामनो माखासे आइजोफ्रा दाउगाबोनायखौं नुनो मोनदों। आइजोफोरनि दानाय लुनायनि आफदाफोर दाना लानायखौं नुनो मोनदोंसै। बे रोखोमनि उइभिं सेन्टाराव दखना जोमग्रा बाइदि बाइदि सि दाना हाथाय बाजाराव फाननोबो लाबाय। गामिनि सिख्लाफ्रानो बे उइभिं सेन्टाराव जानो आथाल' रां लाना दानाय लुनाय हाबाखौं मावनो हमबाय। नाथाय बेजों उइभिंनि सोद्रोमाफ्रा बेसे बां मुलाम्फा देखानो हदों बेबो मोनसे साननो गोनां। नुनो मोननाय बादिदैब्लाना उइभिंनिफ्राय दिहुनजानाय सि-जोमखौं फाननायनि थाखाय नांगौमानि गुवार रोखोमनि हाथाय गैया। नांगौ रोखोमनि गुवार हाथाय गैयाब्ला उइभिंफ्रा थांना थानांगौआ गोब्राव। हादोरनि बायहाआवबो बे रोखोमनि हाथाय थांनांगोन। जैरैखि जाया, माहारिनि हारिमु आरो आरिमुखौं फोथांना लाखिनायनि लामाखौंबो लानांगोन। बि.टि.सि. हालामनि बर' आइजोफ्रा गोदो गोदायनिफ्राय सोलिबोनाय दानाय लुनायनि आखुखौं फोथांना लाखिनांगोन। बिटिसिनि दैदेनिगिरिफ्राबो गामिफोरनि आइजोफोरखौं थुलुगा होनानै खाथिना जाग्रा सुबुंफोरनो गानग्रा दखना गांसनि खुन्दुं खिनिखौं जगायना सोरकारा होनो हानांगोन। आधिखालनि गामिफोरनि सुबुंफोरनि हाल-साला गाहाम नॉलिया। जानाय लोनायखौंनो जगायनो हाथाब्ला गाननाय जोमनायखौं मात्रे जगायनो हानो? जैरैखि जाया थांनानै थायानि राहाखौं बिटिसिनि दैदेनिगिरिफ्रा गामिनि सुबुंफोरनो हानांगोन। बिनि लोगो लोगो माहारिनि हारिमु आरो आरिमुखौंबो फोथांनानै लाखिनांगोन □

दिनैनि फानजामुथि

राशि बाइदियै मुनि गिबि हांखो

मेष : अ ल वृष : ऊ ब (उ ए इ) मिथुन : क छ (ङ ङ) कर्कट : ड ह सिंह : म ट कन्या : प ठ (ण ष) तुला : त र बृश्चिक : ब न धनु : ध भ (ढ फ) मकर : ख ज कुम्भ : ग श (स) मीन : द च (ख ज झ)

मेष- गोसो खुसियै थानो हागोन। जेंना-जेंसिआ जोबस्रगोन। गोसोया स्रं मोनगोन।

वृष- जेखि मावा आय जागोन। फालांगिरिफ्रा मुलाम्फा बुधुमनानै लानो हागोन। गोजोन थासारि।

मिथुन- दोहोन सोररजिनो हागोन। रांखाउरि बुधुमनानै लानो हागोन। मोजां सान।

कर्कट- माबा मोनसे मुवा- बेसातफोर खथि जानो हागौ। सोरबा जेंनायाव खोख्लैनो हागौ। सग्रांङै था।

सिंह- नख'राव जहा मेला नुजानो हागौ। नख'रैनो सांग्रांङै थानाया गाहाम।

कन्या- माबाफोर जाथाय जानो हागौ। देहायाव आधात मोननोबो हागौ। गोसोआव दुखु मोनखांगोन।

तुला- माखौंबा लानानै गिनाय फेंगोन। नख'र संसार आव माबाफोर जासि- जासि मोनगोन। गोसोखौं हमथा।

बृश्चिक- जेंना- जेंगोनाया जोबस्रगोन। बयजोंबो मिलायनानै थानो हागोन।

धनु- बयजोंबो बाख्नायनाय जागोन। जेरावखि थांआ मान होजागोन। माबाफोर बान्थाबो मोनो हागौ।

मकर- सोरजोंबा दावबायफानो मोनगोन। गोसोआव रंजानाय लागोन। मोजां सम।

कुम्भ- देहायाव माबाफोर आधात मोनो हागौ। दुखु-खस्थ सैनांनोबो हागौ। सांग्रांङै था।

मीन- नख'र संसार सुखि- सात्थि जागोन। नख'रनि बयबो सात्थि थागोन। मोजां हाबा मावनानै लानो हागोन □

“दख 'ना थावसि” सुंद' सल 'नि साया लानानै

जैस्रि बर'

You know you're in love when you cannot fall asleep because reality is finally better than your dreams. - Dr Sues

बबे बिजाबाव बे बाश्राखौं फरायनो मोनदोंमोनथाय फान्जामुथिहो गोसोआव गैला। नाथाय बाश्रानि ओंथिखौं दिनैसो बुजिनो हानायबादि मोन्दों बियो। नंगौ, जॉनि सिमानिखुय जॉनि मोकथाडा गोबां गुन साबसिन। आरो सिमाडाव गोजोमनानै थानानै गोजोन्नायनिखुय मोकथांजों सौसिनो हानायावसो जोबोद गोजोन्नाय दं। नाथाय फान्जामुथिनाव बै समाव मोकथांजों सौसिनो हानाय गोसोआ गैयामोन जानांगौ। जायनि थाखाय बियो गले गले जिउनि दावहायाव जेन्नांदोमोन। गोरोन्थिया गावनिमोन एवा गुबुननिमोन बियो माब्लाबाबो बिजिनो गोसो जाफेराखौं। नाथाय दिनैनि जा थासारि, मोजाडनो जा गात्रियानो जा बेयो गावनि मावनारयनिनो फिथाय होन्नानै बियो सानो। आरो दिनैखौंनो लानानै बियो खुसि।

फान्जामुथिमोहा बिब' बिनानाव साथाम, बिदा सानैमोन। हाजिरा मावनानैसो थेर थेर नख'र खुंनाय फान्जामुथि बिफाया एसेबां बुरजा बोरै खानो होन्नानै जिंगा सिदोंमोन। गुबुन फारसैथि बैसो जानानैसो हाबा जानाय फान्जामुथि बिमानि बिब' गाइदेआ सासेबो फिसानि मोखां नुवासै। बिनिखायनो बिनावानि फिसाफोरखौं सासे खानो बिदोंमोन बियो। फिसा गोबांनि बाश्रा। बिनि सायाव बिमा गोसो दंब्लाबो गैयाब्लाबो गावनिनो फिसा। सोरखौं हरनो सोरखौं दोननो गोनो गोथो बिमाया उनाव फिसाइनि खें खें बुंनयाव लोमजाखुबाय थाप्रा नैथि फिसाजो फान्जामुथिखौंनो बिब' नो ज्राव हरगारदों खानो फिसाइनि बोसोन लानानै। उनाव गाइदेआबो फान्जामुथिया गावनि फिसा जाथारबाय, इयुनाव फान्जामुथि बिमा बिफाहा फान्जामुथिनि सायाव बिमा-बिफाबादि जेबो मोन्थाय थानाय नंला होन्नानै दलिल बानायनानै लाखादों।

मोजां नख'राव थानो मोन्नानै मोजां मोजां जानो लोंनो मोन्नानै फान्जामुथिया दानथामसोआवनो साबस्रं फेदों। लोमजखुबनायाबो गैया जादों। मोजां फरायसालियाव फरायनो मोन्दों। जायखौं नुनानै फान्जामुथिनि बिब'-बिनानावमोनहा हिंसा जादों आरो बिमाखौं खें खें बुंदों- जोंखौंबो सोरबा फिसा गैयायैफोरनो खानो हरदो। जोंबो बिदि फरायनो लुबैदों। नाथाय रावबो बिफैयाब्ला सोरनो जासिनानै हरनो? उनाव

बर 'फोरनि न' लुनाय खात्थि

-ए के ब्रम्

मानसिनि गुदि आरो गोनांथार मोनथाम जिरातफ्रा जादों- रोटी, कपड़ा और मकान। थामहिन्ना रुटि, जि आरो न'। रुटिआ गांनाय उखैनायखौं फेलेमो, जि्या लाजिनया आरो गोजांनय होखारो आरो न'आ सुबुंनो आम्रइ होयो एवा रैखाथि होयो न'आ सुबुं सोदोमसि जौगानारयनि बिथाबो। बेव बड़'फोरनि न' लुनाय आरो खात्थिनि बागै सावरायनाय जागोन।

न' गायसननायनि सिगां बड़'फ्रा बिथाखौं गात्रि गोहोमनि उदां नंगौ ना नड, नायखाना जाग्रोयो। बेनि उनाव बिथाआ न' लुथावना बादिब्ला अरायथा गोजोर न' लुनो थिरां खालामो।

बिथा सायख 'नायखौं बड़'फोरा दौरै एवा धोरोगुरुनि हेफाजाबै सायख 'ना लायो, दौरै एवा धोरोगुरुआ बिथानि हाआव हाखर एवा गब्लं खुरो। गब्लडाव गरनै माइरं गोथोङै सोनानै दोनहरो। माइरंखौं हा सिडव सोहरनानै गब्लंखौं हाजों फबसिन्नाय जायो। बिब्दि खात्थिखौं बेलासिआव मावफुंनया जायो। अखानायै फुडववो धोरोगुरु आरो न' बिगोमाआ जायगाखौं नायफिनो। बे खेबाव बिसोर नोजोर होयै सिगाडाव दोन्नायबादि माइरंङा दंखि गैया। जुदि माइरंफ्रा सिगांनि थावनिआवनो मोजाङै'थिख-थाखयै थानाय नुनो मोनो होमब्ला बिथाखौं गाहामथार होन्नानै सानाय जायो, नडब्ला बिथाआव न' लुनाया गाहाम जानाय नड होन्नानै सान्नाय जायो बिथा सायखनाय खात्थिया जायगा लायै जायगा दोरोदनाय एवा गुबुन जानाय नुनो मोनो। मबेबा मबेबा जायगाआव गब्लं सिडव माइरं सोररनाय जाया। बेनि सोलाय औवानि दन दोन्नाय जायो।

बड़फ्रा सरासन्नायै साहाथिं न'मान' लुयो, खोलाहा थायो सौरा न'। बाखिखौं लुनाय जायो सानजाहा आरो ओंखाम संग्राआ थायो सोनाबहा। गलिआ थायो सा-सोनाब खनायाव। साहाथिं ग्रोम ग्रोम गइ बागान खालामनाय जायो, खोनाबहा औवा बागान। सानजाहा थायो फुखि आरो आबादथिलि (मैगथिलि) आरो खोलाहा ब्ला-ब्लां हालाम जाहाथे गोगो-गोथार बारआ न'आव हादफैनो हायो। गाथयैनि बाश्रा फान्दाइआ बड़'फोरनि न' लुनाय आदरंशखौं मोजाङैनो खेरखां होदों :

“सोनाबहा औवा, हांखो सानाजाहा; गइ साहा, ब्ला ब्ला खोलाहा।” सोरगिदि न'नि गेजेराव गुवार, ब्ला-ब्ला सिथला लाखिनानै न' गेदेर एवा न'मान'खौं सिथलानि साहाथिं लुनाय जायो। न'मान'आव न' बिगोमाआ थायो। न'मान'आ खथाथामनि जायो। न'सिंथारनि खथाखौं 'इसिं' होन्नानै बुडे। बे खथाआव न'खरनि अनगायै गुबुनखौं हाबहोनाय जाया। इसिडव माइनाव बिन्दो थिसन्ना बिखौं सिबिनाय जायो। इसिंखौं जेब्लाबो गोथारै लाखिनाय जायो।

न'मान'नि गेजेर खाथाखौं 'अखं' बुडे। बेव न'खरनि आलासिफ्रा जिरायो आरो बिसोरखौं थानो होनाय जायो। बे खथाआव न'खरनि मानसिफ्रा गोनां बाश्रा सावरायनो हायो। न'मान'नि सोनाब जोबथाइनाय खथाखौं ख'फ्रा बुडे। बेवहा न'खरनि देरसिन जरा-जुलीआ थायो। न'मान'नि मोखाड खोला मोखाडरि। न'मान'नि सोनाब जोबथानि खथा सेराव ओंखाम संग्रा न'खौं लुनाय जायो। ओंखाम संग्रा न'खौं खथानै लुयो। खथासेआव संग्रा अदाव आरो संग्रा-खावग्रा आगजुफोरखौं दोन्नाय जायो। खथासेआ ओंखाम जाग्रा।

सिथलानि सानजाहा इसिंनि सेराव बाखि थायो।

मोकथाडारि गाव

बखालिखौंनो दोनहरजोबदों फान्जामुथि बिमाया फिसाजोफोरखौं।

फान्जामुथिया नाथाय एसेबां मोजां थासारियाव, मावनाडा दांनडा गावनि गोसोबायदि थानो मोन्नाय, जानो मोन्नाय मोनसेयावबो फरायनायाव आगवायनो हायाखिसै। मेट्रिकखौं खुनुरुखुम नैथि खेबजोंसो उथिनो हादों बियो। बिनि उनाव फरायसालिमानि लांगोना गाहैदोंमोनब्लाबो जौसिन फरायसालि सेथि बोसोरनि आन्जादखौंनो उथिनो हायाखिसै। असे फिसाजोबादि अन्याय बिमायंआ बिनो जि बिदों बेखौंनो होदों। एन्ड्रइद म'बाइल बिनायावबो एसेबो ना खालामाखै। नैजि रोजानि म'बाइल बायनानै होदों फान्जामुथिनो।

मबाइल मोन्नायनिफ्राय फान्जामुथिहा गोसो थोनाय सेंग्रानि ओंखाल जायाखै। फेसबुकआव होनाय बिनि समायना मुहिनि गोनां सावगारिफ्राव गोबां बर'-हारसा-बांगल सेंग्रा-होवाफोरा जावलिया जादों। गोबाडनो बिनो मोजांमोन्नायनि रादाव फोरमायदों। सोरखौं लागोन सोरखौं दोनगोन जादों बियो। बेजों साननैसो लाइन मारिज्रां, बैजों साननैसो लाइन मारिज्रां दांग्रोमनो नाजादों बियो सोर होवाहा गावनि फारसे बांसिन मोजां मोन्नाय दं। बायजाबथु सिमांजों बियो गोजावदों, सानभिदों, बायजाबथु सानबोलावरिजों गेलेदों। नाथाय फेसबुक राइजोआव लोगो मोन्नाय गोबां सेंग्राफोरखौंनो बियो जेब्ला मोकथां मुलुगाव लोगो मोनबाय, बियो साबजानाय मोनाखिसै। बिनिखायनो बियो लासैयै जायगारबोफिन्दों बैसोर सेंग्रानि बान्दोनिफ्राय। नाथाय गले गले जायखारनो नाजासेयावबो जायखारनो हायाखै बियो अलंबारनिफ्राय। फरायनायाव आदा खावनिआ अलंबारा जेबो आरजिनारयनि लामा लायालासै बिमा-बिफानि सायाव उन्दु उन्दु जायो, जौ-सिगारेट सोबधिंथा होन्नानै मिथिनानै बियो नाजादोंमोन अलंबारनिफ्राय एरखेनो। नाथाय जेसेनो बियो एरखेनो नाजादों अलंबारा बिखौं बोव्थासिनदों। फान्जामुथिखौं थानो सुखुवा-बुखुवा खालामदों। हाथाइ-बाजार जेयवधि थाडा फान्जामुथिखौं होसो होसो बियो लोगो हमदों, आखाइयाव हमना बोहैदों, ज'ज' थाबायफाहैदों, सिथों-सिथा खालामहैदों। बिसोरनि बेबादि सानफ्रोमबो सिथों-सिथाखौं नुनानै उनाव नख'रनि मानसिफ्रा होबथाफा होबथाफा खालामनांगौ जादों। दाव दाव बिखानि अन्याय लुसोमनानै होनाय फान्जामुथिखौं जेबो खस्थ दामोनहोथों सान्नाय बिमायंमोनहा

अलंबारनि बेरेखायै राव दैखादों। अलंबारखौं सालोम होदों। नाथाय अलंबारा रावखौंबो खेर खेरायाखै। थै गुदुं सेंग्रा, माब्लाबा बोरैबा सानब्ला फान्जामुथिनि माबाफोर इनाय खालामनो हागौ सान्नाय सानसे अलंबारनि नख'रनि मानसिफ्रा फान्जामुथिमोर्नि सिथला गाफेदों अलंबारनि थाखाय फान्जामुथिनि आखाय बिनो। एसेबां मोजां मोनथाबथारनाय सिथलाजों हाबा जानो मोनब्ला मोजां मानसि जायोलाय खोमा होन्नानै मिजिं थिखोमादों अलंबारनि नखरनि मानसिफ्रा। बेनिखायनो फान्जामुथिनि नख'रखौं खावलायफेदों। नखरनि मानसिफ्रा गामिनि राइजो-राजा लालायनानै मोजाङै रायज्जायफेनायखाय फान्जामुथिनि बिमायंमोनहाबो गंनानै लानायसै अलंबार आरो फान्जामुथिनि सोमोन्देखौं। सानसे मोजाङै ग्रोम ग्रोम हाबा खुंनानै हरदों फान्जामुथिखौं अलंबारनो। हाबाब मालाय अलंबारा अखौंनि जोंब्लावनाय हाथरखिखाय हिन्जाव गोदानखौंबो माहाजोन नखरनि मोनबोथारबाय। हाबा जानो फेंग्राफ्रा सावरायसोलायदों। खोनानानै फान्जामुथिया बिखाखौंनो बेसेबांबा दुबगाखानांय मोनदों। गन्थं बुगा बुगा बिहामगो गोदाननि आखायनि गय खान्दिसे जालांनोसैहाय, हिन्जाव गोदाननि आखायनि साहा कापसे लॉलांनोसै आन्थोर जवा फान्जामुथिखौं नायनो फेनाय गामिनि सुबुंफोरनि। फुनिफ्रायनो आलासि, आलासि आरो आलासि। सासे थांखांबा सासे फैयो, सासेखौं बिदाय होहां जाल्ला गुबुन सासेआ खामफलाय लानानै जिग्रायफैयो। आंगायलायनाय मोनो फान्जामुथिआ। बेसे गय खावनो, बेसे साहा फुदुंनो, साबैसेखौं रायदावनो। सानजौफुफोरनि ओंखाम जाखानांनै फिसाइजों लोगोसे बिस्नाफ्राव दसे थाफागौ नंब्लाबो सोरबा फेनानै होयो, बेलासिफ्राव दफा गामि बेरायहैगो नंब्लाबो आलासि गुरब्ला नुजाफैयो।

(उन बिसानाव)

लाफिं ख्लाब

सुंद' सल'

-दैब्रां हितलार

(थानाय बिसाननिफ्राय)

बख'ग्रानो बियादैनि बाहागो रांखो आदानिसिम दैथाय हरग्रोबाय आं सासे फंबायखौं थिनहरनानै। बेनिफ्राय थांबाय आं गालामाल द'खालसिम। बेनि उनाव सौहैबाय आं खौरंलाइ आरो बिजाब लाग्रा बिजाबखुलिंसिम। बिजाब खुलिनि बिगोमाजों बायदिसिना बाश्रा सावरायनायनि गेजेरजों दिनैदि राम नबमि'' बे बाश्राखौं गोसोखां फिनबाय आं। सिबाय मार'वालि जि द'खानदारिया दाखालिसो राम रामि' जानो हांखायलाइ हरनायजों लोगोसेनो दाहार सुख'जानो लुबैनायनि इंगिदबो हरखादों। गावसोरनि नेमनिबो बाश्रा दं। सिफिनफ्राय बर'नानै सानब्ला नुबाय राड लोमोआव दजौ बिदि ल'सै। जि द'खानाव बेसेबांसो होनांनो हागौ गोसोखांनो नाजाबाय आं। खोब बाराथारब्ला बाजौ। बिखा गोजां खालामनानै मार'वालि द'खानाव थांनानै बायदिसिना जाग्रोबाय आडो राम-रामिनि मुडाव। आंनि मुडाव बाखिया बेसे दं नायनो थिन्नायनि उनाव नाथाय आंनि हालोदा गांगाथेफा सेमनायबादि जानांबाय। बाखिया आंहा द स्निजौ दाइन रां। सिफियाव जा दं होजोबनानै सुख'जोबनो हायैनि गात्रि दामोनसै होन्ना लासैयै फैयासै आं देरा फारसै।

नाथाय एखनब्ला बारहुंखाजों लोगोसे सारन्थायबो फैफायो। देरायाव सौफैब्लानो मावग्रा गथ'आ रां नांगौ होन्नानै दावरायबाय। सिबाय, गावनि मोननांगौखौंसो बिदों बिबो। बिनो रां हरखांनयनि उनाव मिथिबाय आं बाजै गेजेरनि बिनानाव बिबोनांफोर फेनानै दं, टाउडनाव बेरायहैदों। फेफेरबावखै सिबाइया, बिगुमै होन्नानै आंबो लिलंबेफेरनो रोडाखै दिनैसिमबो, एखे सोहोरावनो हष्टेलाव थानानै फरायोब्लाबो। गुबुन सासेखौं हाथाय खालामनो थिनहरनायसै आं। रां राननायनि हाबाफारिखौं जोबनायबादि मोननानै गासै बेसेबां आद्रा थाखो गिलुं- गिलुं साननो जुरिनायसै आं। आंनि हिसाबाव नै रोजा रानि इसे बारा थाबावनांगौ बादिमोन, नाथाय सान्नाय मोनबाय आं से रोजानि इसेल' बारा दंसै। से रोजा राडा बहा थांखो फिद- फिद गोसोखांब्लासो गोसोआव फैबाय आंहा दाखालि बाहागि बिदा सासेनो मानिबा थेखायाव आदा मागुरामनिफ्राय लाथ'नानै हरनाय से रोजा रांखौं बेंकआवनो होबोखादों। जेखि जादोआ आद्रा रांजों दाननि दंबावो सानफोरखौं सामलायलानो बारा नांदेरनाय नंला बादि मोननानै गोसोखौं एसे रेजें खालामनानै बिदिसनायव गोलांनयसै आं। क्रिं.....क्रिं.....क्रिं.....क्रिं.....। टेलिफनखौं दिखांबाय आं, इसे बोराबनायजों। एल. आइ. सि.नि एजेन्ट आनै समबारिनो आदा रुपेन मावफायरि लोगोनि फन नाम्बारखौं नांगौ जादों। आंनि नट बुकनिफ्राय नायनानै खिन्था हरनायसै आं। जोबनायाव आनैया बुडासै- :ग्रोमफाय पे- फ्रा जाबायमोननामा।

आनैनि बे बाश्रायाव रेहाय मोनो थाखाय आनैनाव फलिसि मोनसे खुलिहोदोंमोन मिथरलाबै, गाव बुजिमोने मेथाय आं रोजाबगलाडो। अनिमा मेदामनि बाखाला आंनि गोसोआव फेसननायाव बिनि नम्बराव आं दाइल खालामो। : हेल् मेदाम, मात्रे दं.....। : दड' थिगैनो। मिनि- मिनि रायलायहरनाय मानि एफाबां खुसि। माबाफोर गोदान खौरां दं नामा? : हारे, संसाराव फेदों जेब्ला गाबनानै माथो जानो। गाबनायजोंथ संसारनि जेंनाखौं बोघानो एवा खाखोमोनो हाया। : नंगो नंनयालाया। नाथाय जार नैजिब्रं धन्टा मिनियो बिनि गोसोआव बुंजासे दाहा थायोनो। नों मिथियोना मिथिया, गावनि दाहाखौं बावगारनो थांखियै सासे मानसिया जेब्लाबो मिनिनो नाजानायावनो दानि लाफिं क्लाब'नि जोमोन होन्नानै आं खोनदों। आंनि आखाय थोर- थोर मावनानै रिसिभारा नागोमोर जानायसै। □

बरिस जनसनआ आथिखालाव न' डिल ब्रेकिजटनि थियारि खालामदों

लन्डन, 13 डिसेम्बर: ब्रिटिश गहाय मन्त्रि बरिस जनसनआ बुंदों ब्रिटेनआ इउरपियान इउनियनजों लोगोसे न' डिल ब्रेकिजट खालाम नांगोन। आथिखालाव ब्रिटेनआ जायखि जाया ट्रेड डिल खालामा लासे इयुनिक्राय आलादा जागोन। जनसनआ डिल खालामनो गोबां नाजादों। नाथाय इयुनिक्राय दैदेनगिरिफोरा बिनि दाबि दैखानायाय खर' गंगलायाखै। जनसनआ 90 जौथायाव ब्रिटिश खौरांलाइ डेलि टेलिग्रफनि सुजुगिरिमोन। बे समाव बियो इयु आरो बेनि बिबानगिरिफोरनि हेंथायै माखासे खौरांखो लिरदों। बेवहाय माखासे खौरांफोरा नंखाय फोरमानबो जादों। इयुनि बै समनि माखासे बिबानगिरिफोरा दिनेबो गोहोम गोनां बिबानयाव दं आरो बिसोरो जनसननि बाश्ना बुंनयायखौ हेंथा होदों। जनसनआ इउरपियान इउनियननि आथिखालनि प्रेसिडेन्ट उर्सुला वान डेर लेथिनखौ गनाय होनो गोबां नाजादों। नाथाय जाफुंसारनो हायाखै। 90 थि जौथायाव जनसनजों लोगोसे हाबाफारि मावनाय खौरांगिरि सनिया पनेलआ बुंदों जैरेबादि हाबाफारि मावयो, बेबादिनो फिथाय मोनयो। गाव हमदांना लायोदि, इउरपियान इउनियनआ जनसननि दाबि दैखानायायखौ गनायना लानाय नडा। जनसननि बेबादि नाजानाया समायखौ ओरेनो थांगार होनायसो। रिसार्च इनस्टीटुट इउरपियान रिफर्मनि डाइरेक्टर चार्ल्स ग्रान्टआ बुंदों बरिस जनसनआ गावनि लिस्नायजों इयुखौ खनले खनले थांखिदों। जेराव माखासे खौरांफोरा नंखाय फोरमान जादों।



भारतनि बायटेकनि भेक्सिनआ गथ 'फोरनिफ्राय लानानै बैसो गोराफोरनि थाखाय रैखाथि गोनां

गोदान दिल्ली, 13 डिसेम्बर: भारत बायटेक बुंनयाय बायदिब्ला, बिसोरनि करना भेक्सिनआ आबुडैरैखाथि गोनां आरो बेखौ 6 दाननि गथ'निफ्राय लानानै 65 बोसोरनि सुबुंफोरनो होनो हासिगोन। भारत बायटेकआ डिजिजिआइनाव गावसोरनि कभैक्सिनखो इमारजेन्सियै बाहायनो गनायथि बियो। करनानि सायाव डिजिजिआइन जर'खा कमिति एसइसिआ भारत बायटेकजों लोगोसे सिराम इन्सटिटुटइनिफ्राय भेक्सिननि ट्रायलनि सोमोन्दे डाटाखौ दाबि खालामो। बिफक्कोनि 93 थि बोसोरारि जथुम्मायाव भारत बायटेकनि गहाय बिथोनगिरि (सिएमडि) कण्णा एल्लाया बुडोदि, एसइसिनि फारसेनिफ्राय जाय डाटाखौ बिदों कम्पानिआ बेखौ दिहनुगसिनो दड। कम्पानिआ हारिमायारि सुबुंथिनि बायदिथै

नाइबिजिरदों आरो नाइबिजिरनायाव गासैबो रोखा जायो। बिथामोहा दाबि दैखानों, कम्पानिआ गावसोरनि भेक्सिननि गोहोमखौ नायबिजिरनो थाखाय जेरै बायदिथै सनायबिजिरगसिनो दड बियो सजौगाखां हादतफोराव गावसोरनि फारसेनिफ्राय सिगां। बे जथुम्मायाव एस्ट्रुजेनेकानि कन्ट्रीहेड गगनदोप सिआ बुंदोदि, कम्पानिनि करना भेक्सिनआ फेगौ बोसोरनि गिबि सप्ताहयाव फेनो हागौ। अक्सफर्ड- एस्ट्रुजेनेकानि करना भेक्सिनखौ भारतआव पुणोयाव थानाय सिरम इनस्टीटुट कबिशीलन्डनि मुंजों क्लीनिके ल आन्जाद नायगसिनो दड। कम्पानिआ मुलुगनि दर 160 हादतफोरजों लोगोसे 3 आरब ड्रप साफ्लाइ खालामनायनि खोथा होदों। बे



कम्पानिनि करना भेक्सिननि नैथि खोलोबनि क्लीनिके ल ट्रायलआ जागायबाय आरो वे भेक्सिनखौ लाखिनो थाखाय जागायजेन्नाय फिथाया मोजां। गोबां कम बिदुनि गोनां थि

जानाय नडा। कम्पानिआ थामथि खोलोबनि आन्जाद नायनाय आबुं जानायनि उनावसो इमारजेन्सियै बाहायनायनि गनायथिनि थाखाय आर'ज गावगोन। तिरुअनन्तपुरमआव केरेलानि गिबि मन्त्रि पि. बिजयनआ बुंनयाय बायदिब्ला, राइज्योआव गासै सुबुंफोरनो करना भेक्सिनखौ प्रियाव होनाय जागोन। बेनि सिगां तामिलनाडु आरो मध्य प्रदेशआवबो गावनि राइज्योआव सुबुंफोरनो प्रियाव भेक्सिन होनो फोसावखांबाय।

ट्राम्प खुंथायनि हुमरिबनि उनाव भेक्सिनखौ इमारजेन्सियै बाहायनो गनायथि मोनबाय


निउयर्क, 13 डिसेम्बर: मुलुगनि गेजेराव करना महामारिजों बयनियखुडू बांसिनि भुगिनांनयाय आमेरिकाआ थानाय शुक्रबारखालि फाइजार आरो बाइएनटेकनि भेक्सिनखौ इमारजेन्सियै बाहायनो गनायथि होयो। एक्सपार्ट पेनेलआ साननि जागायजेन्नायावनो गनायथि होदोंमोन। बेनि उनाव केसा बेयावनि इडस रेगुलेटर एफडिएनि खाथियावमोन। माखासे घन्टासिमाव एफडिएनिफ्राय जेबो गनायथि मोनैनि उनाव ट्राम्प खुंथायनि फारसेनिफ्राय नारसिन्नाया बारायो। सुलुनि बायदिब्ला, हवाइट हाउसनि चीफ अफ स्टॉफ मार्क मिडजआ एफडिए कमिसन स्टीफन हाननो फन खालामनानै बुडोदि, शुक्रबारनि बेलासिसिमाव भेक्सिनखौ गनायथि होयाब्ला बिबान एंलायनानै गोदान साखि नागेद। बेनि उनावनो एफडिएआ भेक्सिनखौ बाहायनो गनायथि होयो।



फाइजारआ भारतआवबो आमेरिकाआव करनानि थाबथानाय नुनो मोननाय जादों। थानाय शुक्रबारखालि बेयाव 2 लाख 46 रोजा, 761 गोदान केस मोननाय जादों। बेणफारसे बेयाव सा 3031 सुबुंफोरा थैदों। आमेरिकायाव बे

करनानि जेनायाव गोबाव समनि उनाव सिनेमा हलफोराव हिन्दी सावथुनफोरजों लोगोसे हलीउड सावथुनफोराबो रिलीस जादों

गोदान दिल्ली, 13 डिसेम्बर: करनानि जेनायाव गोबाव समनि उनाव खुलिनाय सिनेमा हलफोराव हिन्दी सावथुनफोरजों लोगोसे आथिखालाव हलीउडनि सावथुनफोराबो रिलीस जादों। बेवहाय हरर ट्रिलर सावथुन' कम प्ले'आ दंफादेरो। सावथुननि सल'आ अलीबरजों लोगोसे जागायो, जाय अटिज्मजों बुगिनांदों। बियो रायज्जलायनो रोड। बाश्ना रायज्जलायनयनो थाखाय मबाइल एपखौ बाहायो, जेराव बटनखौ दाबयानानै अडियनि गेजेरजों गावनि बाश्नाखौ बुडो। अलीबरनि बिमा-बिफा सारा आरो मार्टीनि सोमोन्देआ जेना गोनां समजों बारलांदों, नाथाय बिसोर सानैबोनि सोमोन्देआ फिसाज्जलानि सायाव गोखौ फरायसालियाव अलीबरनिनाय रावबो लोगो गैया। सानसेखालि अलीबरनि फलआव मोनसे एपआ अन जायो। अलीबरआ जेब्ला बिनि पेजखौ स्वाइप खालामो अब्ला बेनि सायाव मोनसे हारा बेगें गिदिर क्रोएचारनि सावगारिखौ नुनो मोनो, जायनि मुड लोरी। उनाव



अलीबरआ मोनथियोदि, लेरीनाबो रावबो लोगो गैया, बियो लोगो खालामनो हास्थायो। लोगो जायैआव बियो ख'हा खालामनो हागौ। लेरीखौ खालि कंमेरानि गेजेरजों ल' नायनो हायो। सल'आ बेजोंनो आवगायलाडो। हलीउड आरो बलीउडआव इलेक्ट्रनिक गेजेटसनि गेजेरजों हरर सल' बानायनाया जेबो गोदान कन्सेप्ट नडा। भारतीय नायगिरिफोरा थाबेनो जोबलाडो।

भारतआ चीनजों दावराव दावसिनि गेजेराव गिदिर थांखि लादों

गोदान दिल्ली, 13 डिसेम्बर: चीनजों लोगोसे दावराव दावसिनि गेजेराव भारतआ गिदिर थांखिखौ लादों। रैखाथि सांन्थि हान्जाफोरखौ आथिखालआव 15 सानफोरनि दावहानि थाखाय हाथियारफोर आरो गला-बारुदनि स्टकरखौ थियारि खालामनायनि मोन्थायखौ होबाय। सान्जा लाहाखआव चीनजों लोगोसे जानाय दावराव दावसिनि गेजेराव बे गोदान मोन्थाय आरो इमारजेन्सियै बायनायनि गोहोखौ बाहायनानै जायगानि आरो गुबुन हादतनिफ्राय रैखाथि जोनथोर आरो गला-बारुदखौ लाबोनायाव 50,000 कौटि रानिफ्राय बांसिनि खरसा खालामनाय जागोन। बे थांखिखौ चीन आरो पाकिस्तानजों लोगोसे टु-फ्रन्ट वारनि जानो हाथावखौ नोजोर होनानै रोखा थियारि खालामनायखौ नुनो मोन्दों। दासिमआव सांन्थि हान्जाफोरनिनाय 10 साननि



दावहानि थाखाय स्टक जमा खालामनो रेहाय होदोंमोन। सुलुडाव फोरमायनायदोंदि, सुथुरफोरजों लोगोसे 15 साननि दावहानि थाखाय स्टक थियारि खालामनो थाखाय आथिखालाव माखासे हाथियारनि नेमखान्थि आरो गला-बारुदखौ गनायना लादों। 10 साननि अनगायै 15 सानसिमनि थाखाय स्टक

जासिगोन। रैखाथि हान्जाफोरनि थाखाय स्टकनि सिमाखौ बांहोनायनि गनायथिखौ माखासे सम सिगांनो होदोंमोन। रैखाथि सांन्थि हान्जाफोरनो गिबियाव 40 साननि दावहानि थाखाय स्टक खालामनायनि गनायथि होदोंमोन, नाथाय हाथियारफोर आरो गला बारुदनि बाखियाव जेना सोमजिनायजों लोगोसे दावहानि जाहोनाव बेखौ खम

खालामनानै 10 सान खालामनाय जादों। उरी गागलोबनायनि उनाव बेखौ मोन्दाथिदोंदि, दावहानि थाखाय स्टकया खम जादों आरो बै समनि मनहरनि सामलायनाय रैखाथि मावख'आ सांन्थि, नेभी आरो अखांमा सांन्थिफोरनि रंखाथि गोहोखौ बांहोनानै 100 कौटि रानिफ्राय बांहोनानै 500 कौटि खालामदों।

मख'नो गोनांदि, आमेरिकाआ बे भेक्सिनखौ गनायथि होया मुलुगनि 6 थि हादत। बेनि सिगां ब्रिटेन, बरहीन, कानाडा, सौदी आरब आरो मेक्सिकआ गनायथि होयो। इउरपियान इउनियनआवो बेनि सायाव थाबैनो थांखि लागोन। मोन्दों। बेनि थाखाय गावसोरनि हेफाजाबगिरि इउ पि पि एल, सि एम सनवाल, रज्ज्योनि मन्त्रि हेमन्त बिश्व शर्मा आरो पार्टीनि आसाम फसंथाननो गाहाम हामलायथि बावहरदों।

बि टि आर बिसायख 'थियाव बि जे पिआ माखासे बियाबफोराव देरहानानै मुलाम्फा मोन्दों

गुवाहाटी, 13 डिसेम्बर: आसामनि बड'लेन्ड टेरिटरियेल रिजन (बि टि आर) बिसायख 'थियाव एन डि एआ गोबां भट मोन्दों। थानाय शनिबाराव बिसायख 'थिनि फिथाइखौ फेनो गोनां बोसोरगव जानो गोनां आसाम बिधान सभा बिसायख 'थिनि सेमिफाइनाल मानानानै लानाय जादोंमोन। आथिखालाव राइज्योनि खुंथायाव थानाय बि जे पिआ 2015 आव देरहानाय मोनसे मासिनि रुजनायाव बे खेबयाव 9 था मासिफोरखौ देरहानो हादों। एन डि एन जुथाय पार्टी इउनाइटेड पिपुल्स पार्टी लिबारेल (इउ पि पि एल) आ 12 था मासिफोरखौ देरहानो हादों। मख'नो गोनांदि, बड'लेन्ड टेरिटरियेल रिजनयाव गासै 46 था मासिफोर दं। बेनि गेजेराव 6 था मासिफोरखौ सायख'नाय जायो, जेराव 40 था मासिफोरनि सायाव बिसायख 'थि खुंनयाय जायो। बे 40 था मासिफोरनि सायाव 7

आरो 10 डिसेम्बराव बिसायख 'थि खुंनयाय जादोंमोन। बे बोसोरनि फेब्रुवारी 2020 बड' गोजेन रादाय खालामनायनि सायाव मुंसायनयनि उनाव बेयो गिबि बिसायख 'थि खुंनयायमोन। थानाय 17 बोसोरनिफ्राय बि टि सिआव खुंथाय खुंनयाय बड'लेन्ड पिपुल्स फ्रन्ट (बि पि एफ) आ 21 मासिफोरखौ देरहानो हायाखै। बियो 17 था मासिफोरखौल' देरहादों। 2015 आव बियो 20 था मासिफोरखौ देरहानो हादोंमोन, नाथाय बे खेबयाव मोन्थाम खम जादों। बिग्रायारिनिफ्राय राजखान्थि दैदेनगिरि जानाय हाग्रामा महिलारिनि सामलायनाय फसंथानया बे बिसायख 'थियाव बयनिखुडूबो देरसिन पार्टी जानानै ओंखाबोदों। इउनाइटेड पिपुल्स पार्टी लिबारेल (इउ पि पि एल) आ 12 था मासिफोरखौ देरहानो हादों। बे पार्टीखौ फरायसा दैदेनगिरिनिफ्राय दैदेनगिरि जानाय प्रमद बर'आ दैदेन्दों, जाय बड' गोजेन



रादाय खानायनि गहाय मुंसायगिरि। बेनि बेरेखा पार्टी कं ग्रेस आरो बदरहीन आसमलनि सामलायनाय अल इन्डिया इउनाइटेड डेमोक्रेटिक फ्रन्टनि जुथाय पार्टीआ बे खेबयाव मोनसेल' मासिखौ देरहानो हादों। मिरुनि वख'रि मन्त्रि अमित शाहआ बुंदों एनडिएआ आसामनि बड'लेन्ड टेरिटरियेल रिजननि बिसायख 'थियाव गोबां भट

मोन्दों। बेनि थाखाय गावसोरनि हेफाजाबगिरि इउ पि पि एल, सि एम सनवाल, रज्ज्योनि मन्त्रि हेमन्त बिश्व शर्मा आरो पार्टीनि आसाम फसंथाननो गाहाम हामलायथि बावहरदों।

गुबुन हादतफोरावबो भारतीय ड्राइबिं लाइसेन्सजों कार सालायनो हागोन

गोदान दिल्ली, 12 डिसेम्बर: गासिबो सुबुंफोरा मुलुगखौ दावबायनो गोसो जायो। दावबायनाय समाव कार ड्राइबिं खालामनो मोनब्ला गोसोखौ बांसिनि रंजा सिन्नाय मोनो। बेनि थाखाय आयेन बादिथै ड्राइबिं लाइसेन्स मोनगोन। अब्लासो लामायाव गारि सालायनो हागोन। नाथाय गुबुन हादतयाव दावबाय हैब्ला लंग ड्राइबनि रंजानायखौ लानो हागोन। 1. जुदि जामानीयाव दावबाय हैब्ला भारतीय ड्राइबिं लाइसेन्सजों लोगोसे ड्राइब खालामनो हागोन। बेबादि गारि

सालायनायनि गनायथिया 6 दानसिम जायो। ड्राइबनि थाखाय जायगानि आरटिअयाव सोमोन्दो लानांगोन, 2. भारतीय ड्राइबिं लाइसेन्सजों सिंगापुरआव 1 बोसोरसिम गारि सालायनो हागोन। नाथाय बे लाइसेन्सनि नेमखान्थि लिस्नाया इंग्लिसनि जानांगोन। बेनि उनाव सिंगापुरआव कार सालायनानै लंग ड्राइबयाव थानोहागोन, 3. भारतीय ड्राइबिं लाइसेन्सजों इंग्लेन्डआवबो 1 बोसोरसिम गारि सालायनो हागोन। भारतीय ड्राइबिं लाइसेन्सजों स्कटलैन्ड, वेल्स आरो इंग्लेन्डयाव गारि सालायनो

हागोन। बेनि थाखाय जायगानि ट्रेफिक नेम खान्थिखौ फालिनांगोन, 4. नावेंयाव भारतीय ड्राइबिं लाइसेन्सजों 3 दानसिम गारि सालायनो हागोन। नाथाय बेनि नेमखान्थि लिस्नाया इंग्लिसनि जानांगोन। बेनि थाखाय जायगानि आरटिअजों सोमोन्दो लानांगोन, 5. सुइजारेन्डआवबो भारतीय ड्राइबिं लाइसेन्सजों लोगोसे कार सालायनो हागोन। बेनि समाय सिमाया 1 बोसोरसिम। बेनि उनाव आरटिअनि गनायथिनि उनावसो कार सालायनो हागोन।

खैरोम-दैरोम

मिथिसार ब्रह्म

बड'लेण्डनि उथुमाइ
सोखो-मोखो कक्राझार
मेट्रिक रिजाल्टनि उश्रिसारनाय
जौखोन्दो हारआ माथो खमथार ?
आन्जाद होग्राफोरसो ना खमखा जाखो ?
ना लेखा-फरयावसो गैखाला जाखो ?
सोर सोंगोन-बेनि जाहोननि गुमुर ?
सोर रुजुना लागोन-हायनाय माननि
दाहा बिदांनि गेदेर थफला ?
रजखान्थिआसो मन 'लाबखोना
NRC नि फाखनावसो बुसोमजाखो ?
बुं बुं गेदेमाफोर बुं
बिखा फोरदाना बुं
दायनिगिरिया.....
फरयासा.....दिथागिरि ?
फोरेंगिरि.....समाज ?
बिटिसि सरकार...आसाम सरकार ?
ना फरयासा आफाद..... ?
चिरनि मानिनां SI
गोसारबोदों सानफ्रोमबो बिथानि मेसेज,
नांथाव-नाजानि थार फिथाइ
मोनफुंहादों दिनै जाकुंसारनाय!
हाबाब बुं बुं गेदेमाफोर,
मानिथो बिब्दि कक्राझारआवलाय ?

अनजालि

नोंखौं नेनानै मँगलबाय आनि जीउमाया,
जेब्ला फोथार- बारिआव बेरायनो थाडे,
अब्ला साया- माया सिखिरि सिख्ला जानानै
मोसाफेनाय बायदि नुयो ।
दागुगालां नों रजे आनि बिखानि मैला जानानै ।
आरोबाव हालिया आं सहायनो,
आनि गोबों इंसिनि दानानै दोनखानाय
सनानि फनजारिआव हाबफैदो ।
नुदों आं सिमां नोंखौं लानानै- नोंखौं लानानै,
सनानि देरा लुनो नाजादों आं
सिमांखौं मोकथां खालामनो ।
दड हनै जिउनि लामायाव गसंथेनानै
सुथुरफोरा हानजानि- हानजा
मोजां मोनलायनायनि बेरेखा उदखारिफ्रा ।
थास' एउझांनाय बायदि एउझांगोन
आं नोंनि थाखाय ।
बोहैहोगोन उदखारिफोरनि थैनि बाना,
दुगैगोन आं बिसेरनि थैजों
बोहैहोगोन उदखारिफोरनि मेगननिफ्राय
मोदैनि बाना नोंनि थाखाय ।
सौसि- सौसि थंगोन आं हाग्रा- बंग्रा
दैमा- दैसा, हाजो- हाला, बिलो- फुंखानि गेजेरजों ।
दैमाखौं बारनो हायाब्ला, सनानि
बान्दो खोनानै होसोलंगोन आं
नोंनि रेखानि थाखाय, अनजालि ।

मुसि गेरमसा बरगयारी

सोर नों ?

सोर नों हायनारि
बिखाया बेसेबा फिसा
गोबानो सानो संसारखौं;
जिउआ आनि उन्दै
बिलिरनो सानो मुलुगखौं ।
गोसोआ आनि,
आनदायबाय आं बे संसारव;
आंहा गोसोआव बवेनिबा रादाब फैदों
रंगिना गाबजों बाज्त्त' बायदों
फिथिखा लुफावनाय सेंग्रा समाव ।
जोबनो गैयै गोसोनि हास्थाइनाय
जिउनि आंग्रिनायाव,
जोबनो रोडै गाबजों
मा मैया दिन्थियो नों ?
अननाय गिरि ।
बेनो आनि गोसो ।

मसि समबारु दैमारी

जखायसे लिमारिक

(से)
लौदों आरो लौदों गिसि- गोरान
दाखालिबो, मैयाबो, दिनैबो लौदों आरो गाबोन..... ?
गोबां तेनसन दंनो जौना आदाया
बेनो बिनि जौ लौनायनि थंखिया,
जौ लौब्लानो तेनस' ना जोबना फैगोन ने ?
(नै)
नैबे गोदान मुगानि सेंग्रा माखाफोर
गोसो थोयो बिसोर खालि गुफुर- गुफुर सिख्लाफोर,
बेनिखायनो देलायो जों गुफुर जागौबा
मोजां- मोजां सेंग्राफोरजों गोसो थोजागौबा,
गुफुरखौल' मानो मोजां मोनो बिसोर..... ?
(थाम)
बे कलेजनि आं मिस बिउति
सेंग्राफ्रा आंजों मानो थाबायो खाथि-खाथि ?
धोन दौलतजों बुंफबनाय नखर नडब्ला
अजय, आमिर खान मोनबायदि महरगोसा सेंग्रा नडब्ला,
हाबाखौनो लात्रा आं सयथि..... ।

मुसि पवित्र मोसाहारी

जिउनि बुब्बियाव

बे जिउ दानो दं दानो गैया
गोसोम-गुफुर गाबनि साया
माबोला रंगिना-संगिना सिमां
माबोला गिथाव बारहुंखा ।
मिथिस' हाया हमदां मोना
बेनो नामा सोरजिनि फाव
हनथानि बारहुंखाया
बिरबायनानै आं सानसे
अन्नायनि लामाखौबो
फोरमाय नांवाय बुजि मोनै
जाहोनाव
बेसेबा गुवार लैथोआव
बुसोम जानांवाय दैन दाहाराव ।
सोरनि अन्नायजों रंजानो
सोरनि दुखुजों गाबफानो
मिथि मोना बे मुलुगाव
संसारनि माया गेलेनायाव
सोरनि गेले होनायाव जानांखो
दिनै आलाय-सिलाय
नोंजों आंजों सेरखाय-बेरखाय
जाय दुखुखौं आं सानसे

थरायना जयमा राणी ब्रह्म
जिल्ला: कक्राझार ।

दसान नों आंखौं गाजि

कक्राझार नाराबारि गामिनि दैसा सेराव नआ बनि,
थायो आंबो बनि ननि हरैजाय ।
सानोमोन आं बेजों फंसे गोदै राव
रायज्जालाना लानो । नुवा नुदोंमोन आं,
नायआ नायदोंमोन बेखौनो आनि सान्ना ।
नाथाय बहा नुवावनो बहा नायनो हाबावनो ।
खालाम फ्लांवाय आं बनि गोसोखौं दुखुनि
लैथोआव गब' होना दोनफ्लांवाय आं ।
सानाखैमोन आं एसे अखा निहोर बायदि
थायफ्रिनायादि बाना जागोन ।
बानाखौं नुना सानबाय आं नाव
बानायहां साथा लाहां जाबाय
गोसोआ आनि । बाना जाखाबाय जावलांनो
मालाय नावखौं बहा ।
साथाखौं हमबालाय मा जानो ? जाबाय
जाबाय गोसोआ आनि बनि दुखुआवनो
उसाव बादाव । लुना होदोंमोन आं
मालायनि समयना बिफांआव दैखौं ।
सानाखैमोन आं बेलासि समाव दै लुना
होबादि रोदायाव नांन राहैगोन ।
मालायनि हासागर गोनां हायाव रज'नाय
समायना बिफांनि बिबारखौं आं बोरै मोन्नो ?
दुखुआव दोनफ्लांवाय आं बेखौं
निमाहा होगोनदा बेयो आंखौं ?
सानगोनदा बियो आंखौं निमाहानि
जग्य' ? हिन्दि रावआव होन्दों,
मैने किसिका दिल दुखाया है, मुझे माफ करो,
आनजानेमे गलती होगैया ।

आनसाइ गयारी
जिल्ला: कक्राझार ।

रंजालि गथ' फोरनि सौरा

आंनि मेगननि फैसालिआव नों

मेगननि फैसालिआव हाबना थाबाय नों !
आंनि गोबों बिखायाव अरायनि थाखाय
जायगा लादोंमोन रजे.....नों.....,
माबोरै बावनो हाबावनो आं नोंखौं सना ॥
बावनो नाजाबानो दाहानि निजोरयासो.....
बोहैगलायो जेब्लाबो जिउआव..... ॥ ।
गोबों बिखा सिंखाव-सिंखाव बोहैदोंमोन,
नोंनि अन्नाया आंनि लायमोन सोलेराव.....
नोंनोथ' जासि हरग्रोदोंमोन मोजां मोन्नायनि
इसारखौं आंनो मुलुग संसारव दिनै.....
नाथाय,
दिनै मा सानखो नों आंनि अन्नाय आरो मोजां
मोन्नाय नों अनसुला सनाआ..... ॥
थार मोजां मोन्नायखौं नंखाय खालामना....
गोथार अन्नायखौं नेबसि गारना
खालाम लांनोसै नामा नों आंखौं लामानि सासे
अन्नायनि बिबायारि महराव...
नों जुदि आंनि गोबों बिखायाव हांमा होलांबा
जानानै थागोन आं.....
नोंजोंनो नेवसि गारजानाय गोथे सालिनि
सासे भुत जानानै थागोन आं जोनोमाव ।
बावनो सानबाय नामा नों आंखौं स.....ना ॥
दं खालि आंनि गोबों बिखायाव नोंनि ल'
अन्नाय दिनै.....आरो थागोन अरायबो... ॥ ॥

थरायना राणी ब्रह्म

खारौ खान्दाय बिबार

आं हर गेजेरनि बारसे समयना बिबार
मुंखौं बुडे बयबो आंखौं खारौ खान्दाय
हरावनो थुफियो, हरावनो बारो
आरो हरावनो सिरिफिनो ।
अनसाया आरो लुबैया रावबो आंखौं
खोनासडे आंनि जिउनि जारिमिन,
सान अख्वांनि सान राजाजों
नेवसि जानाय आंदि बारसे समयना बिबार ।
नाथाय मिथिगौ दानखोमसि हरनि
फुर्णिमा अखाफोर गावदांआ
आंनि हासिंडे गाबनाय आरो मिनि फिन्नायखौं
हांमानि खन्थाय लिरनाय, दाहानि सल' लिरनायखौं
बियो बुरखायो अनसायनायजों आंखौं
फुंबिलि जारों सानजों रंजानो
फागुन दाननि सुदेम बारजों मोसागलांनो
नाथाय हायाखिसै आं निन्दा आरो
मुं सुनायनि बे सोमखे मोखांखौं लानानै
गावदां अखाफोरनि बोसोनखौं लाखिनो ।

मिस बनमि नार्जारी

सैया-सैया खालामो अनजालुआ आंखौं

नै अनजालु नों आंखौं
गोजाननिफ्राय नुब्लानो,
मानो एरा-एरा खालाम लाडे ?
मानिबा गोरोन्थि बुंफ्लांदों नामा आंलाय ?
ना माबाफोर दाय मावफ्लांदों नामा ?
दिनै नों आंखौं गारनानै,
गुबुनखौं लानो सान्दों नामा ?
बिदिब्ला नों मानो आगोलाव
आंखौं मोजां मोनामोन ?
दाना मानो सैया-सैया खालामखो ?
सानदोंमोन नामा नों आंखौं सान्दोंमोन,
थाखायल' मोजां मोनफ्लानो,
आंखौं फागिलसो खालामनो सान्दोंमोन नामा
नोंलाय अनजालु ?
आं नोंखौं थैनानै थांब्लाबो नोंनि,
महरखौं बावनो हानाय नड ।
आंनि थायनै मेगनाव नोंनि,
महरा जेब्लाबो साया-माया गेले फैबाय थागोन अनजालु ।
दाखालामसै नों आंखौं सैया-सैया ।

मुसिमा सबानि नार्जारी
कक्राझार ।

गियाननि फुंखा

- सोंन्नाय:-
1. अस्ट्रेलियाआव रांखौं मा बुडे ?
 2. ब्राजिलयाव रांखौं मा बुडे ?
 3. नेदारलेण्डयाव रांखौं मा बुडे ?
 4. डेनमार्कयाव रांखौं मा बुडे ?
 5. फ्रान्सयाव रांखौं मा होनो ?
 6. जार्मानियाव रांखौं मा बुडे ?
 7. P.O नि फुल फर्मया मा ?
 8. P.T.O. नि आबुं मुड मा ?
 9. P.W.D. नि आबुं मुड मा ?
 10. S.P. नि आबुं मुड मा ?
 11. M.B.B.S. नि फुल फर्मया मा ?
- फिन्नाय:-
1. सिलि । 2. क्रुजेर । 3. क्पि । 4. क्रन । 5. फ्रंक । 6. मार्क
 7. Post office. 8. Please Turn over. 9. public works Department. 10. superintendent of police. 11. Doctor fo Medicine Doctor of Sunary

मुसि फुंखा नार्जारी

रुमिखौं हास्थायो आं

सोर नुदों सोर खोनादों आंनि
दुखु दाहाखौं,
दावसि दावसायासो साखि दं,
नोंखौं सान्नानै हासिं हाला बिबार
बारि-बारि बेरायला बायनायखौं नुनानै
जरा- जरा बिदै सोबनो फैनय सिखिरि
सुबुंफोरा आंखौं मिनिलांवाय ।
नोंखौं आं गोसो गोथारजों मोजां मोनो
नाथाय नोंनिफ्राय अन्नाय मोन्नो लुबैयो आं,
मानोनों गोसो हगार सारना होआ नों,
नोंनि बेबायदि गोदै रावजों रायज्जालानाय
फोरखौं लानानै जायो आं उसाव- बादाव,
सोर्गोनि अलंबार बायदि बेफोरखौं
बावगार लांनंगौबा,
आंनि गोसोआ हिमालय हाजो बायनाय बायदि
बायनानै खाम्फा लुहैनो हायैबायदि
आंनि मेगननिफ्राय निजोरा
बोहैगोन अनजालि ।
रुमिनों गुबुननि थाखाय हांगार
फिथर ब्लाबो आंनि थाखाय स'ना फिथर ।
गावखौं बिबार बारि-बारि
बेरायनायखौं नुनायखाय,
आंनि गोसोआ गनायगोन सान्ना
आंबो बिबार बारियाव बेरायगलां बायो,
नाथाय गावखौं नुवाबा गोसोआ गनाया,
मोना बिलि समाव थाडे आं
नोंनि लांगोनायाव आंखौं नेना थागोन सान्ना ।
नोंनि मिननायखौं नुयोबोला गोसोआ
आंनि अखा मोफ्लामनाय बायदि मोनो ।
रुमिखौं हास्थायो आं अरायबो,
लायजाम हरदोंमोन आं फिन्नाय मोनफिनासै,
नाथाय.....बिबा सोरखौं हास्थायदों ?

गपाल रामचियारी

नौं रुजेब्यौ

गोमोथाव नोंनि महरा रजे--
जेबोला नोंखौं नुयो जेराव-मेराव
जेबोला नों थाबाय लाडे दाव दिंखुर बायदि
जेबोला नोंनि राव खोनायो दाव मैनानि गारां
अबोला आंखौंनो आं बावगोमा फ्लाडे ।
आंखौंनो आं बावगोमा फ्लाडे !
मोन्नाय मोनब्ला नोंनि अन्नाय,
आजावनाय मोनब्ला आंनि अन्नाय ।
हाबाब मादि माया गोनां नोंनि महरा ?
बे नोंनि समयना सोलेर महरानो
आंनि बोदोर गोसो सोलेराव
सिखिरि जानानै बिरफाबाय थायोनों रजे--
आंनि जिउ सोलेरनि सेर-सेर ।
आंनि बोदोर जावलिथा गोसोआ
नोंखौल' मोन्नो हास्थासै रजे
मा राहाजों मोनगोन इंसिबां गोमोथाव
महर गोनां नों रजेखौं ॥

मुसि सोर खुंगुबर ?
ला:सो: चन्द्रपारा, कक्राझार ।



फरायसा आफादनिफ़्राय लानानै राजखान्थि फोथारसिम प्रमद बर’

बिजाथिफोरा गोनांथारै सावरयलायनायाव थोंजोडै प्रमद बर’खौ गोदान बिटिआर सरकारनि गाहाय खुंगिरि महरै फोसावनानै होयो गिबि मन्थि सर्बानन्द सनवालआ। बे सावरयनाय समाव गिबि मन्थिआ गोदान बिटिआर खुंथार्यनि साफ़्रोमबो बिसायख’जानाय बिजाथिफोरखौ फैबाय थानाय समाव एबा खुंथायाव राइजो–रजाफोरनि थाखाय मोजां खामानि मावलांनो खावलायो।

रयख़ांनो गोनांदि, गोदान बिटिआर सरकारनि गाहाय खुंगिरि महरै सायख’जानाय प्रमद बर’आ गावनि दावबायनाय गोलाव बोसोरनि जिउ दैदेनाय केरियाखौ फरायसा आफादनिफ़्राय मैखोमै जागायजेनो। 1९७५ माइथार्यनि १ मार्चखालि जोनोम मोन्नाय प्रमद बर’आ सोलिफु बोसोरनि थानाय २५ फेब्रुवारीखालि हरखाब फरायसा आफादआव गोजू माननि बिबान सामलायनायखौ नागारनानै इनाइटेड पिपुल्स पार्टि लिबारेल सुंद’थै इउपिपिएल राजखान्थि दोलोआव आगान होयो। प्रमद बर’आ जेब्ला मिरु एबसुनि आफादगिरि मासिखौ सामलायबाय थार्दोमोन बे समावनो एबा थानाय फेब्रुवारि दाननि २१ अक्टखालि बिजनीआव खुंनाय ब्रैथि बोसोरगिरि मिरु एबसुनि जथुम्मायाव बाहागो लानानै गावनि मासि सामलायनायखौ एंगारनानै इउपिपिएल दोलोआव हाबो आरो थोंजोडै बे दोलोनि आफादगिरि मासिखौ सामलायो। बाक्सा जिल्लानि तामुलपुरनि थांगिभि प्रमद बर’आ गुदि सोलोंथायखौ गावनि गामियाव थनाय फरायसालियावनो जागायजेन्नानै उननि समाव गोजू थाखोनि सोलोंथायखौ तामुलपुर फरायसालिआव लायो आरो हायार सेकेन्डारि सोलोंथायखौ गुवाहाटी कलेजआव आबुं खालामो। नख’रनि रंखान्थि हालोदआव सानसे समाव गावनि लोगोजों मैषालयआव थनाय खैला जावरा जायगायावबो थार्दोंमोन। १९९४ माइथायाव बिथाइ रंडिया कलेजनिफ़्राय डिग्रीखौ लानो हायो। गावनि रंग्गिथि आरो गोथौ सान्थौजों दुलाराय बर’ फरायसा आफादनि बिबानखौ २००९ माइथार्यनिफ़्राय २०२० माइथायसिम सामलायर्दोंमोन। गोलाव बोसोर आफादगिरि मासिखौ सामलायनानै प्रमद बर’आ एबसुआव बांसिन गोलाव सम थनाय आफादगिरि जायो। सनितपुर जिल्लानि तेलामारायाव खुंनाय दुलाराय बर’ फरायसा आफादनि २००९ नि बोसोरगिरि जथुम्मायाव प्रमद बर’आ आफादगिरि महरै सायख’जानानै बिनि दैदेन्नायाव फरायसा आफादआ गोखों बिबान लानानै दुलाराय बर’ महारिखौ फेहेरनाय, जौगाहोनाय मोनफ़्रोमबो बिथिंखौ नोजोर होनानै बर’ हारिनि अराय थामोन्थानि थाखाय आलादा बड’लेण्ड राइज्यो दाफुंनागीनि सोमावसारनाया गोनांसेन जायो। प्रमद बर’नि दैदेन्नायाव दुलाराय बर’ फरायसा आफादजों लोंगोसे बर’नि हरि–माहारि आफादफोरबो थद’नाय गैयालासे आलादा बर’ राइज्योनि थाखाय आसामनि गुबुन गुबुन जायगाफोर आरो हादरनि राज्थावनि दिल्ली बादि जायगायावबो सोमावसाहैनाय, धर्ना होनाय, लामा जथेनाय, सुबुं गौमा मेल खुंनाय बायर्दिजों दाबिखौ थाबैनो मावफुंनार्यनि सरकारखौ नारसिन्नाय हाबाफारिआ सोलिबोबाय थार्दो। बर’ महारिखौ सोलोंथाय बिथिइव अवगायनो हानाय एबा जौगानो हानाय बे थांखिजों दुलाराय राइज्योआवनो २००७ माइथार्यनिफ़्राय मिसन क्वालिटी इडुकेसन हाबाफारिआ जागायजेनो। अदेबानि बेनि सिगां २००६ माइथायाव बै समनि बारग’ आफादगिरि रोनगोर नार्जार्गिनि दैदेन्नायाव इयार अफ इडुकेसन हाबाफारिआबो जागायजेन्द्ोंमोन। बेबादिनो सोलोंथाय आयदानि फार्सें बर’ लाइमोनफोरखौ गोसो होनाय आरो सांग्रां खालामनार्यनि थाखाय जर’खा सोलोंथायनि हाबाफारिआ सोलिबोबाय थाबोदों। फरायसा आफादखौ गोलाव बोसोर दैदेनबोनानै प्रमद बर’आ बर’ हारिनि थाखाय आलादा बर’ राइज्यो दाफुंनार्यनि बे गाहाय थांखिखौ लानानै आगुनि कंग्रेस दैदेन्नाय इउपिए सरकार आरो आथिखालिनि गाहाय मन्थि नरेन्द्र मदिनि दैदेन्नाय एनडिए सरकारजोंबो खेबले खेबले सावरयबोदोंमोन। बेनि उनाव थांखिखौ आलादा महव लॉनार्यनि नोजेरजों फैयै फैयै सोलिफु बोसोरनि थानाय जानुवारी दाननि २७ अक्टखालि गोदान दिल्लीयाव भारत सरकार, राइज्यो सरकार आरो एबसु, एनडिएफवि(मोनब्रै) आरो इउबिपिअजों गोजोन सावरयनायाव बाहागो लानार्यनि गेजेरजों सावरयनाया फिथाइ गोनां बायर्दि जानायाव थोंजोडै बड’लेण्ड टेरिट्रिएल रिजन सुंद’थै बिटिआरखौ मोन्नो हायो। भारत सरकारनि जानानै नख’र मन्थि अमित शाह, आसाम सरकारनिफ़्राय गिबि मन्थि सर्बानन्द सनवाल, मन्थि हिमन्त बिश्व शर्मा, एबसुनिफ़्राय आफादगिरि प्रमद बर’, गाहाय नेहाथारि आरो एनडिएफबिनि मोनब्रै हान्जानि दैदेनगिरिफोरजों लोगोसे बै समनि बिटिसि खुंथायनि दैदेनगिरिफोरनि गनायथिनाय एबा आजावनानै लानायाव जारिगिनारि थामथि गोजोन बर’ गोरोबथाया जाफुंसारो। बिटिआर फोसावनाय लोगो लोगो थोंजोडै बिटिसि ओन्सोलाव बिसायख’थि खुंनार्यनि लाहार–फाहार जानायाव प्रमद बर’आ बे समाव इउपिपिएल दोलोखौ आफादगिरि महरै गोख्रोडै दैदेनो आरो गुबुन एनडिएफबिनि मोनब्रै हान्जानि दैदेनगिरिफोरबो आलादा आलादा हान्जानि जानानै राजखान्थियाव बाहागो लायो। बेबादिनो प्रमद बर’नि दैदेन्नायाव इउपिपिएल दोलोखौ मोजां मोन्नाय राइजो–रजाफोरा थानाय बावैसो सान सिगां खुंफुंजालांनाय ब्रैथि बिटिसि बिसायख’थियाव फोथायजाथाव भट होनानै देरहाहोनो हायो। प्रमद बर’आ थोंजोडै एबसुनिफ़्राय ओंखारबोनानै राजखान्थियाव हाबनाय लोगो लोगोनो दिने बिटिआरनि गोदान गाहाय खुंगिरि जानार्यनि लामायाव फैबाय। थारैनो फरायसा जिउआव बिथानि दावबायनाय आरो बिबान सामलायनायाव गोबां जेना खैदां–खैफोद जाथायफोरा नुजाथिदोब्लाबो बेफोरखौ नेवसिगारनानै गावनि गुबै सान्थौखौ सिगाडव दोन्नानै प्रमद बर’आ बिटिआर खुंथायनि गेजेरजों राइजो–रजाफोरखौ सिबिथाय होनो ओंखारबाय।

बिटिआरनि गोदान गाहाय खुंगिरि प्रमद बर’खौ बरायनायजों लोगोसे रंजादों ..

खालामनार्यनि मोनसे थासारिखौ सालबारिआव नुनो मोन्दों। मख’नो गोनांदि, दिने सालबारि महकुमा सदरआव गोबां इउपिपिएल दोलोनि आरो दुलाराय बर’ फरायसा आफादनि दैदेनगिरि, सोद्रोमाफोर पटका गावनानै गोदान गाहाय खुंगिरि प्रमद बर’खौ गुबुन गुबुन बाश्रानि स्लगानजों आरो मेथाइ रोजाबनानै रंजाखानााय मोनसे गोजोन थासारिखौ नुनो मोन्दों। फार्सेंथिं ३४२ भटनि फारागथियाव जेन्नांनय सालबारि बियाबनि इउपिपिएल दोलोनि बिजाथि आरो सालबारि जिल्ला आफादनि गाहाय नेहाथारि बिनद मोसाहारिआ बिटिआरआव जानो गोनां इउपिपिएल–बिजेपि–जिएसपि गोरोबथा सरकारनि गाहाय खुंगिरि प्रमद बर’खौ गाहाम हामलायथि जासिहरनानै खौरं बिजोंनि सिगाडव बुडोदि, बिटिसिआव १७ बोसोर खुंथायाव थाबेनोाय बिपिएफ दोलोखौ बोखारनो हानार्यनि उनाव फैगौ समनिफ़्राय प्रमद बर’नि दैदेन्नायाव बिटिआरआव मोजां खुंथाय जागोन आरो मोनफ़्रोमबो हरि–हारिसानि राइजो–रजाफोरा समान जौगाथायखौ मोन्नो हागोन होन्नानै फोरमायो।

गाहाय मन्थि, नख’र मन्थिआ टुइटारनि गेजेरजों इउपिपिएल दोलोखौ ...

दोलोनि लोगो दोलो महरै जानायखौ टुइटारनि गेजेरजों गोजोन्नाय फोरमायो गाहाय मन्थि नरेन्द्र मदि, नख’र मन्थि अमित शाह आरो बिजेपि दोलोनि माहारियारि आफादगिरि जेपि नड्डाया। गाहाय मन्थि आरो नख’र मन्थिआ दिने टुइटारनि गेजेरजों प्रमद बर’नि दैदेन्नाय इउपिपिएल दोलोखौ बिजेपि दोलोनि लोगो राजखान्थि दोलो होन्नानै फोसावो। लोगोसे टुइटारनि गेजेरजों नख’र मन्थि अमित शाहआ बिटिआर सरकारनि गोदान गाहाय खुंगिरि महरै बिसायख’जानायाव प्रमद बर’खौ गाहाम हामलायथि जासिहरो। बेबादिनो मिरु सरकारआव थनाय मन्थि फ़्रास जाबेर्कारआबो इउपिपिएल दोलोनि बिजेपि दोलोजों गोरोबलायनायखौ खौरं बिजोडव गोजोन्नाय फोरमायर्दों।

राइज्यो बेंगिरिआ गोदान बिटिआर सरकार दानार्यनि दाबिखौ आजावबाय

दोलोनि बिसायख’जानाय एबा देरहानाय बिजाथिफोरजों दिने साननि समाव गोनांथार जथुमनायाव प्रमद बर’खौ बिटिआर सरकारनि गोदान गाहाय खुंगिरि महरै फोसावनाय जायो। रयख़ांनो गोनांदि, बिटिआर सरकार दाफुंनो थानायाव राइज्यो बेंगिरिआ गनायथि होनार्यनि गेजेराव इउपिपिएल दोलोआ मोन १२, बिजेपि दोलोआ मोन ९ आरो जिएसपि दोलोआ मोनसे मासिखौ देरहाना जुथायै सरकार दाफुंनो दाबि खालामो आरो राइज्यो बेंगिरिआ थोंजोडै गनायथि होबाय। दिनेनि बे राइज्यो बेंगिरिनि खाथियाव सरकार दाफुंनो दाबि खालामनाय समाव मन्थि हिमन्त बिश्व शर्मा, पियुष हाजरिका, इउपिपिएलनि आफादगिरि प्रमद बर’, जिएसपिनि आफादगिरि नब कुमार शरनियाआबो बाहागो लार्दोंमोन।

आबहावा आरो हाग्रा बिफाननि खामानिनि सायाव खौरां लार्दों..

बे सावरयनायाव गिबि मन्थिआ आबहावा आरो हाग्रा बिफाननि गेजेरजों हाबाफारि लानाय खामानिफोरखौ मोजाइै मावलांना राइज्योनि सोमखोर आबहावा मिथिंगाखौ बांसिन खालामनार्यनि बिथिइव गोनांथार रहा लानो बिथोन होदों। दिनेनि बे जथुमनायाव गिबि मन्थिआ बुडोदि, राइज्यो सरकार आरो हाग्रा बिफाननि आवथायाव गोनां नोजेरजों बिबान लानार्यनि थाखायनो राइज्योनि हाग्रा ओन्सोलाआ २२ हेक्टरनिखुइबो बांसिन जादों। गिबि मन्थिआ हाग्रा बिफानखौ दंफां गायनाय हाबाफारिखौ फारियै सोलिबाय थानानै राइज्यो सरकारनि गेजेरजों आसामखौ आबहावा गुबुंले उदां राइज्यो महरै लांनार्यनि थांखिजों मोखर्थां महरआव जाफुंसार होनो थाखाय बिथोन होयो। गिबि मन्थिआ आबहावा आरो हाग्रा बिफानखौ मुंख्लं पार्क गंसे फसंनायजों लोगोसे आसाम सोमावसारनार्यनि साफ़्रोमबो मुंख्लं गोसोर्खांथिलियाव दंफां गायनार्यनि हाबाफारि लानो बिथोन होयो। दिनेनि बे जथुमनायावनो आबहावा आरो हाग्रा बिफाननि मन्थि परिमल शुक्लबैधआ ग्लबेल टाइगर फरामनि गेजेरजों मानास टाइगर रिजार्भनो गनायथिनाय कन्जाभैसन एक्सेलेन्स एवार्डीनि फोरमानलाइखौ गिबि मन्थिनो गथायनानै होयो। गिबि मन्थिआ हाग्रामानि जिव–जुनातखौ सरैखाथि खालामनाय बिथिइव मुलाम्फा जानो हानाय जाफुंसारनि थाखायबो हाग्रा बिफानखौ साबायखर बाउथो। दिनेनि बे जथुमनायाव सिफ सेक्रेटारि जिण्णु बरुवा, गिबि मन्थिनि उफ़ा सिफ सेक्रेटारि पवन कुमार बरठाकुर, हाग्रा बिफाननि सिफ सेक्रेटारि अबिनाश जशि आरो माखासे बिबानगिरिफोरबो बाहागो लार्दोंमोन।

१७ बोसोरनि उनाव हाग्रामा महिलारिनि खुंथाया थुंगेबाय

रजाफोरनिफ़्राय फिन खेबसेबाव फोथायथाव भटखौ मोन्नो हागोननि गोबां मिर्जिंथिजों हाग्रामा महिलारिआ गावनि दोलोआ खुंथायाव फैफिनगोनखौ दाबिदार खालामनानै लार्दोंब्लाबो बिसायख’थिनि फिथाइ बादि्यै मोन १७ मासिखोल’ देरहानो हायो। अदेबानि बे मासिआ खुंथायनि गोहोआव फैनो थाखाय थोजासे नडैजों आरो गुबुननि हेफाजाब मोनैयाव बांसिन मासि मोन्नानैब्लाबो खुंथायखौ खोमना लानो गोनां जायो। १७ बोसोर खुंथायाव थानाय हाग्रामा महिलारिनि दैदेन्नाय दोलोखौ गुबुन बेरेखा दोलोआ गेनाखान्थि आरो गुबुन गुबुन बिथिइव अजदजों बिसायख’थिनि समाव सावरयर्दोंमोन आरो सुबुंफोरनि गेजेराव बे अजदआ गोबां खामानि होदों। जायनि थाखाय इउपिपिएल आरो बिजेपि दोलोआ हाग्रामा महिलारिनि खुंथायखौ बोखारनो हानायाव जाफुंसारदों। जोबथा समसिम हाग्रामा महिलारिआ बिजेपि दोलोनिफ़्राय खुंथायखौ दखल खालामनो थानायाव गोबां हेफाजाब बिदोंब्लाबो नाथाय बिजेपिआ गुबुनजों रदाय खायो।

भेरगाव महकुमानि मोन ५ बियाबआव बिपिएफ दोलोआ जेनजोबदों

बिसायख’थियाव बिपिएफनि हेंथायै भट थुयो। थानाय समनि बिटिसि बिसायख’थियाव उदालगुरि जिल्लानि मोन १० बियाबफोरनि गेजेराव गासै मोन ९ मासिखौ देरहानो हानानै खुंथायाव फैदोंमोन बिपिएफ दोलोआ। खमैबो थामथि खेब सरकारनि मावफुं सोद्रोमा एबा बिजाथि लोमस्त्राव दैमारि, मुदैबारि बियाबनि बारग’ मावफुं सोद्रोमा जगदिश सरकार, भेरगाव बियाबनि बारग’ लेइइ बुंथिगिरि नेसॉन बर’, कालिंदुवार बियाबनि बारग’ लेइइ बुंथिगिरि बन्सार दैमारि आरो ननै सेरफां बियाबनि बारग’ एमसिएलए सुरेश ताँतीमोन्हा मैया फोसावनाय १२ डिसेम्बरनि बिसायख’थि फिथाइयाव जेनजोबनो गोनां जायो। खैरवारि बियाबआव बिजेपिनि बिजाथि भबेन्द्र बर’, भेरगाव बियाबआव इउपिपिएलनि बिजाथि दवाबइसा बर’, कालिंदुवार बियाबआव इउपिपिएलनि बिजाथि दिलिप बर’, ननै सेरफां बियाबआव बिजेपिनि बिजाथि सन्जिव ताँती आरो मुदैबारि बियाबआव बिजेपिनि दिगन्त बरुवाआ देरहानो हायो। खैरबारिआव भबेन्द्र बर’आ इउपिपिएल दोलोनि बिजाथि बाबुल बसुमतारिखौ फेजेन्नो हायो। भेरगाव बियाबआव दावबाइसा बर’आ बिपिएफनि बिजाथि नेसॉन बर’खौ फेजेन्नो हार्दोंमोन। बेनि अनगायैबो मुदैबारिआव बिजेपिनि बिजाथि दिगन्त बरुवाआ इउपिपिएलनि बिजाथि एन्थनी बसुमतारिखौ फेजेन्नो हाबावो।

आइपिएफआ आलादा डिमा हासाव काउन्सिल दाफुंनो दाबिजों १२ घन्टा बन्द ...

डिमासाफोरनि थाखाय आलादा डिमा हासाव गावखुंथाय दाफुंनांगोनि दाबि खालामनानै गाबोन एनसि हिल्सआव १२ घन्टा बन्द फोसावनाय जादों। आइपिएफआ मोन १४ गुबुन गुबुन आयदाफोरनि दाबिनि गेजेराव आलादा डिमा हासाव गावखुंथाय गौथुमखौ भारत संबिधाननि आर्टिकेल २४४(२) आरो २७५(१) दफानि गेजेरजों दाफुंनानै होनांगो होन्नानै दाबि खालामदों। इन्डेजेनियस ट्राइबेल सुबुंफोरा बे आलादा गावखुंथाय गौथुमनि गेजेरजों गावसोरनि आबुं मोन्थायखौ मोनुंफुनो हानार्यनि थाखाय आलादा काउन्सिलआ गोनांथार होन्नानै बुडोे। आसाम सरकारआ थानाय २०११ माइथायाव डिमासाफोरनि खालामनाय दाबिनि सायाव जेना बोसांनो थांखिजों आसामनि आजिर मोन्नाय सिफ सेक्रेटारि पिपि भर्मानि दैदेन्नायाव मोनसे मन्थि कमिटिखौ दाफुंनाय जादोंमोन। अदेबानि बे कमिटिआ डिमासाफोरनि थाखाय आलादा काउन्सिल दाफुंनार्यनि फार्सें रिपटखौ आसाम सरकारनो गथायनाय जायो। आसाम सरकारआ बे दाबिनि सायाव जेबो रहा लायैनि आइपिएफआ अजद खालामो। आसाम सरकारआ जुदि बे गोलाव बोसोरनि दाबिखौ थाबैनो दाफुंनानै होनार्यनि फार्सें रहा लायाब्ला जोबनो गैयै समसिम जिल्लायार बन्द लाखिगोन होन्नानै हुमखि होयो।

बि टि आरनि गोदानै बिसायख ‘जानाय सोदोमाफोरखौ साबायखर बाउदों गिबि..

आरो आबुं महराव बिसायख’थिखौ खुंफुंनो हानायाव गोनांथार बिफाव लानार्यनि थाखाय बिटिआरनि खुं थाय, पुलिस खुं थाय आरो बिसायख’थिनि बिबानआव थिसनजानाय बिबानगिरि, मावफारियाफोरखौबो साबायख’र जासियो। दिनें गिबि मन्थिनि सरकारि थाग्रा भवनआव खुंनाय मोनसे जथुमनार्यनि जोबनायाव गिबि मन्थि सनवालआ बिटिसि बिसायख’थियाव देरहानानै सरकार दानार्यनि फार्सें आवगायनाय बिजेपि, इउपिपिएल आरो गण सुरक्षा पार्टिनि दैदेनगिरि, सोद्रोमाफोरजों गोनांथारै सावरयलायो। बे हाबाफारिआवनो गिबि मन्थि सनवालआ गोरोबथा सरकार दाफुंनायाव आवगायनाय इउपिपिएल दोलोनि आफादगिरि प्रमद बर’खौ बिटिआरनि गोदान गाहाय खुंगिरि महरै फोसावनाय जायो। गिबि मन्थि सनवालआ प्रमद बर’जों लोगोसे गोदानै बिसायख’जानाय साफ़्रोमबो सोद्रोमाफोरखौ बरायनायजों लोगोसे साबायख’र जासियो। बिटिआर ओन्सोलनि मोनब्रै जिल्लाफोर–कक्राझार, चिरां, बाक्सा आरो उदालगुरि जिल्लानि सम्पद, जाथावना आरो गोहोनि बाहायथायजों ओन्सोलखौ जौगानार्यनि फार्सें गोदान मिर्जिनि लामायाव लानानै थानार्यनि सार्थंआव गोदानै बिसायख’जानाय गासैबो सोद्रोमाफोरखौ गोजोन, बिदा–फंकाय सानलायनाय आरो जौगाथायनि सार्थंजों खामानि मावलांनो गिबि मन्थिआ फोसावो। गाहाय मन्थि नरेन्द्र मदिनि सबका सात, सबका बिकाश आरो सबका बिस्वास नितीनि गेजेरजों बिटिआर ओन्सोलाव थानाय मोनफ़्रोमबो हरि–हारिसानि सार्थं आरो मोन्थय रेखाथि खालामनार्यनि थाखाय गोदानै बिसायख’जानाय सरकारआ बिबान लानानै खामानि मावलांगोन होन्नानै गिबि मन्थिआ गावनि मिर्जिंथिनायखौ फोरमायो।

भेरगावआव गोदान बिटिआर सरकारखौ लानानै राइजो–राजाफोरा रंजादों

दानार्यनि फार्सें दिनें रोखा जाबाय। दिनेनि गेजेराव बे गोजेन्थाव खौराइ ओंखारनाय लोगो लोगो इउपिपिएल दोलोजों लोगोसे दोलोखौ मोजां मोनग्रा राइजो–रजाफोरनि थाखाय रंजा–बाजा खालामनाय आरो खुसिनि बुब्लिया बिटिआरनि दर्रुं जिल्लायार सग्लोबदों। मख’नो गोनांदि, प्रमद बर’नि दैदेन्नाय इउपिपिएल दोलोआ बिजेपि, जिएसपि दोलोखौ बिटिआर सरकार दानायाव हेफाजाब लानांगो जानार्यनि गेजेरावबो प्रमद बर’नि गोदान बिटिआर खुंथायनि गाहाय खुंगिरि महरै सायख’जानायखौ लानानै दिनें भेरगाव ओन्सोलाव राइजो–रजाफोरनि रंजा–बाजा खालामनायखौ नुनो मोन्दों। ओन्सोलनि सोलायनाय आरो जौगानायखौ हास्थायनानै राइजो–राजाफोरा गाव–गावनि बेसेन गोसा भटखौ इउपिपिएल दोलोनो भट होनानै देरहासार खालामनो हानायजों लोगोसे बिटिआर खुंथायाव लाबोनो हानायखौ बांसिन खुसि जानाय फोरमायर्दों। भेरगाव दख’रा एबसुनि मावख’नि लांगोनायाव इउपिपिएल दोलोनि हेफाजाबगिरिफोरा रंजानानै पटका गावनाय आरो मोसानाय बायर्दि थासारिखौ दिनेनि समाव नुनो मोन्दों।

दैबानायाव आरो हा खुरख ‘नायाव खहा जानायफोरनो ५ लाख रां अन्सुंथाय...

खुंनाय नुनो मोन्नायनि गेजेरावनो बिसायख’थिखौ बिथा खालामनानै दिनें बिजेपिनि दैदेन्नाय राइज्यो सरकारआ मोनसे सुबुं अन्सायनाय गेदेर हाबाफारि लानायखौ नुनो मोन्दों। बिटिसि बिसायख’थिनि उनावनो दिनें ब्रह्मपुत्र राइज्योयारि आलासि जिरायसालिआव मोनसे केबिनेट जथुमनाय जायो। बे केबिनेट जथुमनायाव राइज्यो सरकारआ माखासे गोनां थांखिफोरखौ आजावनानै लायो। मन्थि चन्द्र महन पाटवारिआ जथुमनाय आयदाखौ लानानै खौरं बिजोंनि सिगाडव बुडोदि, बे समनिफ़्राय राइज्योआव गासै ३४ सरकारि बन्द, रेस्ट्रिक्टेड बन्दफोरखौ फोसावनाय जादों। लोगोसे बे सावरयनायावनो दैबानायाव हाबारि, हा खुरख’नायाव न’–बां खहा जाजानाय नख’रफोरनो ५ लाख रां अन्सुंथाय होनाय जागोन। बेनि अनगायैबो जायफोर सुबुडा न’ गोमाजादों बिसोरनो १.५ लाख रां आरो जायफोर आवाद–हा खहा जाजादों बिसोरनो १ लाख रां अन्सुंथाय होनाय जागोन। साहा बागानआव सोलिबाय थानाय बिथांखिनि थाखाय पिपेमइउ दाफुंनार्यनि थांखि लानाय जादों। फार्सेंथिं राइज्योनि मिसिं हारिसाफोरखौ मिरिनि जायगायाव मिसिं होन्नाय जागोन। सिगानि आबादनि थाखाय गोदान पलिसि लाबोनाय जागोन। लोगोसे आबादारिफोरा सिगानिखुइ बांसिन मुलाम्फाखौ मोन्नो हागोन। दिनेनि बे गोनांथार जथुमनायाव मन्थि हिमन्त बिश्व शर्मा, चन्द्र महन पाटवारि, जगेन महन, रन्जित दत्त, नब दले, पियुष हाजरिका, अतुल बरा, केशब महन्तजों लोगोसे माखासे मन्थिफोरबो बाहागो लार्दोंमोन। नाथाय बिपिएफ दोलोनि साथाम मन्थिफोर–प्रमिला रानि ब्रह्म, चन्दन ब्रह्म आरो रिहन दैमारिमोन्हा बे केबिनेट जथुमनायाव बाहागो लायाखै। बेनि सोमोन्दै चन्द्र महन पाटवारिआ बुडोदि, बे गोनां जथुमनायाव बिसोर साथाम मन्थिफोरनि बाहागो लायैनि जाहोनखौ मिबथिनो हायाखै। नाथाय मानि थाखाय बिसोर साथामआ बाहागो लायाखै बेनि सायाव थाबैनो खौरं लागोन होन्नानै मिबथिहोयो।

२२ नं कक्लाबारि बियाबनि इउपिपिएल दोलोनि मदतगिरि राइजो–राजाफोरा प्रमद बर’खौ ..

बिटिआरनि गोदान गाहाय खुंगिरि मोन्नो हानानै सिके दखरा दुलाराय बर’ फरायसा आफादनि मावख’आव लोब–लोब फैनानै रंजा–बाजायै बरायो। इउपिपिएल दोलोखौ फोथायनानै दोलोखौ मोजां मोनग्रा कक्लाबारि बियाबनि राइजो–राजाफोरा सोलायनार्यनि मुडाव गाव–गावनि बेसेन गोसा भटखौ प्रमद बर’नो होनानै गोजोन्नाय मोन्नायखौ फोरमायनायजों लोगोसे इउपिपिएल दोलोखौ सरकारआव लाबोनो हादों होन्नानै बुडोे। प्रमद बर’खौनो इयुनआवबो हेफाजाब होलांबाय थागोन होन्नानै बुंथियो।

गाबोन बोसोरनि जोबथा सान मन’नाय नुगोन

मिबंथिनाय बादिब्ला, फैगौ बोसोरनि जुन दानआव जानो गोनां सुर्य ग्रहनआ मुलुगानि गेजेराव मोनसे खोमसिनि साल्लोबनाय थासारिखौ नुनो हागौ। बोसोरनि जोबथा सुर्य ग्रहनखौ १४ डिसेम्बरखालि भारतनि सम बादि्यै हरनि ७.०३ रिगानिफ़्राय हरनि १२.२३ मिनिटिसम नुनो मोनगोन। बे खेबनि सुर्य ग्रहनआ ५ घन्टासिम सोलिबाय थागोन। समबास्खालि जानो गोनां सुर्य ग्रहनखौ भारतआव नुनो मोन्नाय नडा बे समाव मोनानि खोमसि सग्लोबनाया जागोन। नाथाय खोला आमेरिकायाव सिली आरो आर्जेन्टानानि माखासे जायगाफोराव सुर्य ग्रहनखौ बयनिखुइबो बांसिन मोजां नुनो मोनगोन। सिली आरो आर्जेन्टानाय गासै २ मिनिट १० सेकेन्ड खोमसि सग्लोबनायखौ सुर्य ग्रहननि समाव नुनो मोनगोन। खोला आमेरिकानि खोला बाहागो, खोला–सोनाब आफ्रिका आरो एन्टार्कटिकायाव सुर्य ग्रहननि मिरुआ जागायजेनगोन। आमेरिकानि अख्रामा एजेन्सि नासानि गोनोखोगिरिफोरा मुलुगआवनो सुर्य ग्रहन नुनो मोन्नायनि थाखाय मोनसे लाइभ लिंकखौ फोनांजाब खालामनानै हागोन। गोबाडनो बुंदोंदि, सुर्य ग्रहननि समाव गोजू अखाडव नायनो नाडा। मानोना बे ग्रहनआ सुबुंफोरनि देहा बाहागो आरो मेगनिनि फार्सें खहा लाबोनो हागौ।

राइज्योआव माइक्र फाइनान्सनि गोहैलो आखु दिन्थिनाया सोलिनाय ..

फसंथानखौ सामलायनार्यनि थाखाय गोदान आइन फोसावनाय जागोन राइज्यो सरकारआ। माइक्र फाइनन्स कम्पनीफोरा गोदान गाइडलाइनफोरनि अनगायैबो रिजार्भ बैंक अफ इन्डियानि नेमखान्थिनि आवथायाव होबथानार्यनि रहा लागोन। माइक्र फाइनान्सनिफ़्राय लन लानानै रहा गोथेजानाय लाख–लाख आइजोफोरनिसिम राइज्यो सरकारआ थाबैनो जर’खा आइन्खौ लाबोगासिनो दड। सुव नागिरनानै नसिम गिदिबोफिनो हानाय नडा माइक्र फाइनान्सनि सुबुंफोर। बेनि अनगायैबो लननि मुडाव सुबुंफोरखौ बेले–बेजे खालामनो हानाय नडिनाय। दिनें गुवाहाटी नोगोरमानि ब्रह्मपुत्र आलासि जिरायसालिआव मोनसे केबिनेट जथुमनाय जायो। बे केबिनेट जथुमनायाव राइज्यो सरकारआ माखासे गोनांथार थांखिफोरखौबो नाजावनानै लायो। बे जथुम्मायाव रंखान्थि मन्थि हिमन्त बिश्व शर्मा, चन्द्र महन पाटवारि, जगेन महन, रन्जित दत्त, नब दले, पियुष हाजरिका, अतुल बरा, केशब महन्तजों लोगोसे बिबानगिरिफोरबो बाहागो लार्दोंमोन।

सिद्धार्थ शुक्लानि सायाव जौ लौनानै गारि सालायनाय आरो निखावरि सुबुंखौ बुनायनि दाय जाबसिन्दौ

गोदान दिल्ली, 13 डिसेम्बर: बिग बस 13 नि देरहासारगिरि आरो फावखुंगुर सिद्धार्थ शुक्लानि इमेजआ श्व'नि समाव सासे एंग्री मेन जादौंमोन। सिद्धार्थ आ खालि श्व'नि समावल' नडा बियो रियेल लाइफआवबो माबेबा नडा माबेबा जाहोननि थाखाय खौराडाव थाबाय थायो। फावखुंगुरखौ श्व'नि उनाव बादायारि शहनाजगिलजौ लोगोसे माखासे मिउजिक भिडिअयावबो नुनो मोनखांबाय। फारसेथिं बावैसो समाव बिसोर सानैनि गोदान देंखोआबो रिलीस जादौं। फारसेथिं आथिखालआव सिद्धार्थ शुक्लानि मोनसे गोमोथाव भिडिअया सोराडव फेदौं, जाय गोबां भाइरेल जागासिनो दड। भिडिअयाव सासे सुबुंआ सिद्धार्थनि सायाव जौ लौनानै गारि सालायनाय आरो सासे निखावरि सुबुंखौ बुनायनि गोथौ दाय जाबसिन्दौ। बे भिडिअयाव सिद्धार्थ शुक्लारखौ गंसे गारियाव जिरायनानै गोबां रगा जौनाय



नुनो मोन्दौं। सिद्धार्थनि बे भिडिअखौ नुनानै फेन्सफोरा गोबां गोमोन्दौं।

सिद्धार्थ शुक्लानि भाइरेल भिडिअखौ 'दा खबरी' मुनि टुइटर एकाउन्टआव शेयार खालामदौं। बे भिडिअयाव नुनो मोन्दौंदि, सासे सुबुंआ सिद्धार्थखौ भिडिअयाव रिक्ड खालामदौं। फारसेथिं बे सुबुंखौ बुंनाय नुनो मोन्दौंदि, फावखुंगुरआ जेबो जाहोन

गैयालासे सासे निखावरि सुबुंखौ बुंनो मोन। बे भिडिअयाव बे सुबुंनि महरखौ नुयाखै, नाथाय बिनि गारंखौ खोनानो मोन्दौं। भिडिअयाव बे सुबुंआ सिद्धार्थनि सायाव जौ लौनानै गारि सालायनाय दाय जाबसिन्दौं। फारसेथिं

सिद्धार्थखौ गावनि बिबुंथियाव बेखौ बुंनाय नुनो मोन्दौंदि, गिबियाव बै सुबुंआ गावखौ दाबा सुरि दिन्थिदौंमोन। बे भिडिअयाव फेन्सफोरा एखेराहेयै कमेन्ट खालामदौं। फारसेथिं माखासेआ जेराव सिद्धार्थनि बे आखुनि सायाव रागा जौदौंब्ला माखासेआ बिखौ हेफाजाब होनाय नुनो मोन्दौं।

मख'नो गोनांदि, 12 डिसेम्बरआव सिद्धार्थ शुक्लाया गावनि 40 थि जोनोम सानखौ फालिदौं। बे खाबुआव फावखुंगुरि शेहेनाज गिलआ बिनो हर गेजेराव जोनोम साननि केक हाहोनानै सारफ्राइज होदौं। बे समनि भिडिअया शरल मिडियाव गोबां भाइरेल जादौंमोन।

आमेरिकायाव महात्मा गान्धीनि मुसुखाखौ ख'हा खालामदौं




वाशिंन्टन, 13 डिसेम्बर: आबाद बिलखौ हेंथा होनाय धर्ना होग्राफोरा आथिखालाव लामा आन्दायदौं। आमेरिकानि राजथावनि वाशिंन्टन डिसियाव आबाद बिलखौ हेंथा होनाय माखासे सुबुंफोरा महात्मा गान्धीनि मुसुखाखौ ख'हा खालामदौं। हेंथा होग्राफोरा खालिस्ताननि फिरफिला दिन्थिनायनि बाथ्राखौबो मोनथिनो मोन्नाय जादौं। आबादारिफोरखौ हेफाजाब होनायाव सुबुंफोरा भारतीय थान्दै मावख'नि सिगाडाव गान्धी मुसुखानि सायाव स्प्रेजौं पेन्ट खालामदौं। धर्ना होग्राफोरा गान्धीनि महरखौ खालिस्ताननि फिरफिलाजौं खोबदौंमोन। बे जाथार्यनि उनाव भारतीय थान्दै मावख'नि बिबानगिरिया जायगानि एजेन्सिफोरनो अजद होदौंमोन। गान्धीनि जाय मुसुखाखौ ख'हा खालामदौं,

बेखौ गौतम पालआ डिजाइन खालामदौंमोन। बे जाथार्यनि उनाव बेवहाय साखोन-सिखोन खालामनानै बेखौ कभार खालामनाय जादौंमोन। बे जाथार्यनि खौरंखो थाबैनो

गुबुनारि हादतनि बिफाननो होनाय जादौं, जायनि उनाव रइज्जोनि डिटी सेक्रेटरिआ बे जेनाखौ सुखानो थाखाय भारतीय थान्दैखौबो लेंहरदौंमोन।

फेसबुक आरो युटुबयाव बांसिन भारतीयआ गावनि सिनायथिखौ दोनखोमादौं

गोदान दिल्ली, 13 डिसेम्बर: इन्टरनेट मिडियाआव आथिखालाव बांसिन भारतीयफोरा गावसोरनि नंगुबै सिनायथिखौ दोनखोमादौं। नंगुबै मुं, फट' आरो सिनायथिखौ दोनखोमानाया जेना गोनां।



मुलुगयारि साइबर सिकिउरिटी कम्पानि कासपर्सकीआ मोनसे गोदान रिपटयाव संग्रंथि होनानै बुंदौंदि, फेसबुकयाव 76 जौखोन्दो, युटुबयाव 60 जौखोन्दो, इन्स्टग्रामयाव 47 जौखोन्दो आरो टुइटरयाव 28 जौखोन्दो भारतीयफोरा गावसोरनि सिनायथिखौ दोनखोमानो गोसो जादौं। बे बाथ्राया गोबां गोमोथाव।

शिया ला बियौफनि सायाव गार्लफ्रेन्डआ दाय जाबसिन्दौं

हलीउड, 13 डिसेम्बर: ब्रिटिश मिउजिसियन FKA टिव्क्स शुकुबारव एक्स बयफ्रेन्ड हलीउड फवखुंगुर शिया ला बियौफनि हेंथायै लस एन्जिल्सनि सुपरियर कर्टआव जिनाहरि खालामनायनि केस थिसन्दौं। टिव्क्स आरो शिया 2 बोसोरसिम रिलेशनसिपआव थादौं। बे केसखौ टिव्क्सनि थार मुं तहलिया बारनेटनि मुंजौं



थिसन्दौं। आथिखालआव दासिमबो शियानि टीमआ बे केसखौ लानानै जेबो कमेन्ट होवाखै।

टिव्क्सआ बुंदो शिया ला बियौफआ सासे गिखंथाव सुबुं, बियो आयजोफोरखौ बाहायनानै बिसोरखौ दुखु होयो। बियो गावखौ जिनाहारि खालामदौं। बियो गावखौ लाजिनंथाव थासारिआव नागानानै थादौं। सानसेखालि बियो गावखौ गारियाव नारथाबनानै गोदोनाखौ शेरथेनो नाजादौं आरो मिथिखानानैबो मोनथियै बायदि सेक्सुएल बेरामी खालामनोबो नाजादौं।

बेनि अनगायै टिव्क्सआ ला बियौफनि सायाव गावनि नखरनिफ्राय गोजानाव दोननायनिबो दाय जाबसिन्दौं। टिव्क्सआ बुंदौं- सानसे खालि ला बियौफआ ट्राइब खालामनानै गारिखौ एक्सीडेन्ट खालामनोबो नाजादौंमोन।

राखी साबन्तनि जुलिआ दुखुनांथाव जादौं

गोदान दिल्ली, 13 डिसेम्बर: सावथुननि फावखुंगुरि राखी साबन्तखौ बिग बस 14 आव नुनो मोनसिगोन। राखीआ बावैसो समाव बुंदौंमोनदि, गाव रंखांथि गैयै जाखंबाय आरो गावनि जुलिआ मोनसे दिन्थिफलानायबायदि जादौं। मोनसे इन्टरभिउयाव राखी साबन्तआ बुंदौंदि, गाव रंखांथि गैयै जाबय आरो गाव नख'नि बिबानखौबो रुजुनांगौ। लोगोसेनो बियो बेखौबो बुंदौंदि, गावनि जुलिया मोनसे गोरोथिमो।

राखी साबन्तआ बुंदौं जिउआ गावनि थाखाय गोबां जेना गोनां जादौं। गाव जुलि जानानै गोबां गिदिर गोरोथिखौ मावदौं। गाव सान्दौंमोनदि, सासे धोहोनि सुबुंजौं जुलि जागोन आरो जेना जे'सिनिफ्राय बायजोयाव ओंखारलांगोन, नाथाय गावनि थांथिया जेना गोनां फोरमान जादौं। मख'नो गोनांदि, राखीनि फिसाइखौ दासिमबो




'सिनायथि मोन्नाय जायखै। राखीआ बेनि सोमोन्दै फोरमायनानै बुंदौं, आनि फिसाइआ मुलुगनि सिगाडाव फेनो साना। 1 बोसोरनिफ्राय बांसिन जाबया। बियो भारतआव फेयाखै। बियो इन्केआव दड। आनि जुलिआ मोनसे गोबां गिदिर दुखुनांथाव फोरमान जादौं। जायनि सल'खौ आं बिग बसनि न'नि सिडव फोरमायगोन।

मख'नो गोनांदि, बिग बसआव बिकास गुप्ता, काशमीर शाह, रहल महाजन, आली खान आरो मनु पान्जाबीआ चेलेन्जार न'याव हाबफैदौं। फारसेथिं बिग बसआव एजाज खान, अभिनव शुक्ला, रबीना दिलेक, जेस्मिन भसीन, निक्की तम्बली आरो आली गनीबो दड।

राखीआ मोनसे इन्टरभिउआव बुंदौं आं थाना थानायखौ नागारखै। आं देरहानानै गावनि आरोबाव मावनांगौ हाबाफरिखौ मावनो हास्थायो।

गाहाम देहानि राहा

थाबैनो लिस्थायखौ बाडाइ खालामनो लुबैयोब्ला एटकिन्स डाइटखौ फल खालाम



गोदान दिल्ली, 13 डिसेम्बर: गोदान मुगायाव बयबो समयनायखौ लुबैयो। बेनि थाखाय सुबुंफोरा गावनि देहानि सायाव जे'खायै नोजोर लाखियो। आथिखालाव गोरोन्थि जानाय-लौनाय, गाज्जि रुटिन आरो जिगानि जाहोनाव माखासे बेमारफोरा जोनोम मोनो, जाय समयनाया गोमालाडे। बेफोरनि गेजेराव मोनसे बेमार गुफुं देहा, जायजदौं साफ्रोम सुबुंफोरा जेनायाव गोगलैयो। सुबुंफोरा बारायनाय लिस्थायखौ बाडाइ खालामनो थाखाय गसै नेमखांथिखौनो फालियो। बेनि अनगायै सुबुंफोरा गावसोरनि गोसो बायदियै जाफुसाराय मोनो हायाखै। जुदि नौंथाडाव गुफुं देहाजौं जेनायाव गोगलैनादौं आरो थाबैनो लिस्थायखौ बाडाइ खालामनो लुबैयोब्ला एटकिन्स डाइटखौ फल खालामनो हागोन। बे डाइटजौं लिस्थाय बांनयाखौ गोबां कम समावनो कन्ट्रल खालामनो हागोन। जुदि नौंथाडाव बे डाइटनि सोमोन्दै मिथियाब्ला मिथिनानै लादो एटकिन्स डाइटआ मा आरो माबोरैबेयो लिस्थायखौ बाडाइ खालामनायाव बानजायजाथाव-

बे डाइटआव कार्बहाइड्रेटखौ सिमना गोनां बिबाडे जानायनि बोसोन होनाय जायो। बे डाइटनि मुडा जनक रबर्ट एटकिन्स। 70 बोसोरव रबर्ट एटकिन्सआ एटकिन्स डाइटखौ गावनि बिजाब निउ डाइटआव मख'दौं। बे डाइटआव समजौं लोगोसे सोलायनायबो फेदौं। डाइटनि गाहाय मिरु बिन्दोया कार्बनहाइड्रेटखौ कन्ट्रलाव लाखिनाय।

खुगानि मोनामनाय आरो खानाय गनायजौं जेनायाव गोगलैदौंब्ला लेबुखौ बाहायनो हागोन



गोदान दिल्ली, 13 डिसेम्बर: गिलासनै दैयाव थाइसे लेबु आरो एसे संखि नख 'फ्रमोमबो लेबुखौ गोरलैयैनो मोननो हायो। लेबुखौ माखासे रोखोमनि मुलि बानायनायाव बाहायनाय जायो। लेबुखौ आयुर्बेदिकआवबो मोनसे मख'जाथाव समलाइआव चामसब्रै लेबु लगायनानै मोखाडव फुन्नायजौं मोखानि गाबा स्रं जायो। लोगोसे दाखोयाबो खारो।

गोदान दिल्ली, 13 डिसेम्बर: गिलासनै दैयाव थाइसे लेबु आरो एसे संखि होनानै लौनायजौं खि गोरा खिनायाव रेहाय मोनो। 3. जुदि आदा काप दैयाव लेबुनि रस, जीरा आरो गरसे इलायसि गलायनानै बेखौ नै फिथाय महरै गनायनाय जायो। बेनाव मुलिन गुण थानायनि जाहोनाव नख 'रारि फाहामथाय आरो मुलि महरै बाहायनाय जायो। लेबुआव भिटासिन सिनि फुंखा दड। बिदिब्ला फे लेबुआ देहानि थाखाय बेसेबां मुलाम्फा गोनां बेनि सोमोन्दै मिथिनानै लानि-

1. सुबुंफोरनि मोखाडाव दागोनि जेना थायो। बेनि थाखाय चामससे खावसे रस 2. फुडुनाय दैयाव लेबु लगायनानै खुगा सुयोब्ला खुगानि मोनामनाया खारनायजौं लोगोसे बेजौं हाथाइ सनाय आरो हाथाइ मोदोमाबो मुलाम्फा मोनो।

आबादारिफोरनि सोमावसारनायखौ नोजोर होनानै दिल्ली-इउ पि बर्डाखौ सिल खालामदौ

गोदान दिल्ली, 13 डिसेम्बर: आबादारिफोर सरकारनि गोदान आबाद आयेनाव सोदांनय थांखिखौ आरोबाव खेबसेये नेवसिगारबावबाय। बेजौ लोगोसे आबादारिफोर गोदान आबाद आयेननि हेँथाये आधिखालाव उखैहाव सोमावसारनो फोसावो। बेनि गेजेरजौ आबादारि आफादफोर बुडेदि, जेब्लासिम मोन 3 आयेनखौ होवथाया अब्लासिम सोमावसारनाया सोलिबाय थागोन। अदेबानि 18 थि सानावबो आबादारिफोरनि सोमावसारनाया सोलिबाय थादौ। दिल्ली-इउ पि बर्डाखौ आबादारिफोर रेलि खालामदौ। बेर फारसे, गाजीपुर बर्डाखौ लोख-लाख आबादारिफोरा जमा जादौ। भारतआरि आबाद इडनियनआ सोमावसारनायखौ गोखौ खालामनो फोसावो।



बेयाव आबादिनि दैदेनगिरि राके श टिकेतआ जौ सोमावसारनायखौ नागरनानै जेरावबो थाड बुडे।

बे री फ र से आबादारिफोरखौ मदत खालामनो थाखाय बारग'

सान्धि फीरी दिल्लीनि थाखाय ओंखारबोयो। पान्जाबनि बरनालानिफ्राय आगुनि सान्धि

टिकरीआ बर्डाखौ सौहेनानै सोमावसारनायखौ मदत खालामगोन। आगुनि सान्धिआ

सरकारखौ आबादारिफोरनि दुखुखौ बुजिनो आर'ज गावगासिनो दड। बे आबादारिफोरनि सोमावसारनायखौ मदत खालामनो थाखाय आमेरिकानिफ्राय सानै बिदा-फंबायफोरा गाजीपुर बर्डाखौ सौफेनानै आबादारिफोरनो गरम सि-जोम रनो। लोगोसे बिसोर गाहाय मन्थि मदिखौ आबादारिफोरनि बाध्राखौ खोनासंनो आर'ज गावो। सुलुडाव फोरमायनाय बायदिब्ला 12 साननि उनाव दिल्ली इडपिनि सुबुफोर रेहाय मोनो। बेनि गेजेरजौ सोमावसारबाय थानाय आबादारिफोर समबानिफ्राय आबादारिफोरा उखैहाव सोमावसारगोन होन्नानै फोसावो।


सुबुंजौ लोगोसे दावहा नांनयनि जाहोनाव मुलुगाव बयनिखुड बांसिन मैदेरफोरा श्रीलंकायाव येबाय



कलम्ब, 13 डिसेम्बर: श्रीलंकाआव सुबुं आरो मैदेरनि गेजेराव दावहा नांनयनि जाहोनाव मुलुगाव बयनिखुड बांसिन मैदेरफोरनि थैनायखौ रिक्ट खालामनो मोनाय जादौ। खौरं एजेन्सि पिटिआइआ मिडिया रिपर्टनि फोरमायनायजौ बेनि खौरंखौ होदौ। सिअपिएआ सेन्टर फर कन्जभेशन एन्ड रिसार्चनि गाहाय आरो मुंदांखा मैदेरनि जर'खा ड० पृथ्वीराज फार्नाडआ सुबुंफोर आरो मैदेरफोरनि गेजेराव दावहाखौ लानानै मोनसे जरखा अडिटनि बिथोन होदौमोन। बावैसो समाव खुंनय सिअपिएनि जथुम्मायाव बे बाध्रायाबो रोखा जायोदि, दावहानि समाव सुबुंफोरनि थैनाय केसाव भारतनि उनाव श्रीलंकाया मुलुगनि गेजेराव नैथि नाम्बाराव होन्नानै डेली निउजआ बेनि खौरं होयो।

माहारियारि सोलौंथाय नेमखान्थिखौ गनायथि होनो थाखाय हाबाफारि मावग्रा हान्जाखौ दाफुंदौ

गोदान दिल्ली, 13 डिसेम्बर: मिरु सरकारनि गेजेरजौ सोलौंथाय नेमखान्थिखौ गनायथि होनो थाखाय गुबुन गुबुन सोलौंथाय फसंथानफोर, राइज्यो सरकारफोर आरो मिरुजौ खुंजानाय राइज्योफोरनि सायाव हाबाफारि मावग्रा हान्जाखौ दाफुंदौ। मिरु सोलौंथाय मावख'आ सोलौंथाय फसंथाननि बेबादि सान्नाय हनायखौ बरायदौ। सोलौंथाय नेमखान्थिखौ गनायथि होनो थाखाय सेन्ट्रल इडनिसिटी थाखोयावबो मोनसे सान्धि हान्जाखौ दाफुंदौ। मिरुनि सोलौंथाय मन्थि रमेश पखरियाल निशंकआ बुंदौ बेनि



थाखाय फोरगिरिफोरनि महासब, राइज्यो बेंगिरिफोरनि सम्मेलन आरो सोलौंथाय सम्मेलन बादि हाबाफारिखौ खुंनय जादौ। गावसोरनि थांखिआ इडनिसिटी थाखोयाव सोलौंथाय नेमखान्थिखौ गनायथि होनो थाखाय थांखि लानायखौ थियारि खालामनाय। सोलौंथाय नेमखान्थिखौ गनायथि होनो थाखाय गावसोर इडजिसि आरो सोलौंथाय मावख'नो सुबुन होदौ। बे हाबाफारियाव बिर्थांखि लाइखौ थियारि खालामनाय जादौ, जायखौ थाबैनो जोबथा महर होनाय जागोन।

भारतआव 14 सानआव 40 रोजानिफ्राय खम करना केसखौ मोब्नाय जादौ

गोदान दिल्ली, 13 डिसेम्बर: गोदाव समनिफ्राय मुलुगनाडे जेना जानानै थानाय करना भाइरासआ दासिमबो जोबनानै थाडखै। भारतआव थांनय 24 घन्टानि बाध्राखौ बुडेब्ला कभिड-19 नि 30,254 गोदान केसजौ लोगोसे भारतनि गासै करना केसआ 98,57,029 जाबाय। बेनि अनगायै 391 गोदान बेरामिफोरा थैनायजौ लोगोसे थैनाय सुबुंफोरनि अन्जिमाया 1,43,019 जाबाय। आधिखालआव गासै सांग्रांथि केसआ 3,56,546 दड।



थानाय 24 घन्टयाव 33,136 गोदान रिक्बारजौ लोगोसे 93,57,464 सुबुंफोरखौ देहा फाहामसालिनिफ्राय सुट्टे होबाय। बेयो एखेराहेयै 40 थि सान जादौ जेब्ला हादतआव करनानि सानफ्रोमबोनि केसआ 40 रोजानिफ्राय खम जादौ। करना

भाइरासजौ मुलुगनाडे दासिमआव 15.95 लाख सुबुंफोरा थैखांबाय आरो 7.1 कौटिनिफ्राय बांसिन सुबुंफोरा दासिमआव बेनि बेखन्थायाव फैखांबाय। आमेरिकानि जन हपकिन्स इडनिसिटीनि सि एससडनि फारसे फोसावनाय अन्जिमानि बायदिब्ला मुलुगनाडे 192 हादतफोराव करना भाइरासजौ दासिमाव 7.1 कौटिनिफ्राय बांसिन सुबुंफोरनियव इन्फेक्शन जादौ जेराव 15 लाख 94 रोजा 775 बेरामिफोरा थैखांबाय। करनानि बयनिखुडबो बांसिन गोहोम गोग्लैनाय आमेरिकायाव दासिमआव 1.58 कौटिनिफ्राय बांसिन सुबुंफोरनियव इन्फेक्शन जादौ, जेराव 2.95 लाखनिफ्राय बांसिन बेरामिफोरा थैदौ। इन्फेक्शन जानाय केसनि हिसाबे नैथि बयनिखुडबो बांसिन भारतआव इन्फेक्शन जानायनि अन्जिमाया गासै 98.26 लाख जादौ। बे समाव 33,494 बेरामिफोरा मोजां जानायजौ लोगोसे करनानि थैनायनि अन्जिमाया 93.24 लाखनिफ्राय बांसिन जाबाय।

फैगौ 15 डिसेम्बरनि उनाव सेन्ट्रल स्कुलनि फरायसाफोरखौ फरायसालियाव लेंहरनो हागौ

गोदान दिल्ली, 13 डिसेम्बर: करना इन्फेक्शन गोसारनायनि थासारिया सामलायनो हायोब्ला राइज्योनि गनायथिजौ 10 थि आरो 12 थिनि फरायसाफोरखौ 15 डिसेम्बरनि उनाव प्रेक्टिकलजौ सोमोन्दो गोनां हाबाफारिनि थाखाय फरायसालियाव लेंहरनो हागौ। आधिखालआव मिरु सोलौंथाय फसंथानआ बेखौ लानानै मोनसे यजना बानायदौ। बेनि गेजेरजौ फरायसाफोरखौ फिसा-फिसा युपफोराव लेंहरनाय जागोन। बे समाव बिसोरखौ फुरा सम प्रेक्टिकलनि हाबाफारिल' मावहोनाय जागोन। मिरु सोलौंथाय फसंथानआ बे सांग्रांथिखौ बे समाव दिन्थिदौ जेब्ला बर्ड आन्जादआ खार्थिसिनाव फेगासिनो दडआरो



दासिमबो फरायसाफोरखौ प्रेक्टिकल खालामहोनाय जायाखै। आधिखालनि समाव बर्ड आन्जादफोराव थिउरि आरो प्रेक्टिकलनि थाखाय आलादा आलादा मार्कखौ होनाय जागोन।

12 थिनि बर्ड आन्जादफोराव बिगियान आयदायाव थिउरि न्जादयाव 70 मार्कखौ होयोब्ला गुबुन फारसेथि प्रेक्टिकलनि आन्जादआव 30 मार्कखौ होनाय जायो। सुलुनि बायदिब्ला मिरु

सोलौंथायफोरखौ बे सोमोन्दोयाव ओन्सोलारि थाखोनि सायाव यजनाखौ थियारि खालामनो बुंनय जादौ। मख'नो गोनांदि, बे बोसोराव करना इन्फेक्शननि

जाहोनाव फरायसालिफोर बन्द' जानायजौ अनलाइन सोलौंथाय होनाय जादौ, नाथाय प्रेक्टिकल हाबाफारिया आवुडेनो जानो हायाखै।

बावैसो समाव मिरु सोलौंथाय मन्थि रमेश पखरियाल निशान्कजौ लोगोसे सावगयलायनायाव फरायसाफोर बेनि सायाव दुबु फोस्मायदोमोन। बेजौ लोगोसेनो बर्ड आन्जादफोरखौ मे एवा जुनसिम दोन्थ'नो दाबिबो खालामदोमोन। मिरु मन्थिआ बे समाव रोखा खालामदोमोनदि, आन्जादआ जागोन आरो सिमोनि बायदिनो गाहाम देहानि गेजेरजौनि जागोन। थांनय बे बोसोरावबो करना इन्फेक्शनखौ नोजोर होनानै सरकारआ बर्ड आन्जादनि मिरुखौ बांहोदोमोन।

हिमाचलआव बरफ गोग्लैनायनि उनाव लामाया बन्द' जादौ

हिमचल, 13 डिसेम्बर: मध्य प्रदेश, पान्जाब, हरियाणा आरो गुजरातनि माखासे शहरफोराव अखा हानायनि उनाव आधिखालाव गुसु जानाया हादतनाडे गोहोम गोग्लैदौ। पान्जाबआव 5.2 एम एम अखा हानायनि उनाव बिदुआ 4 डिग्री दावखलायदौ। हरियाणायाव 1.9 एम एम अखा हानायनि उनाव बिदुआव 4.2 डिग्री दावखलायदौ। फारसेथि हिमाचलआव बरफ गोग्लैनायजौ सुबुंफोरा जेनाजौ मोगा-मोगि जानादौ। हिमाचलआव हरखाबै बरफगोग्लैनायनि उनाव दाववायारिफोरा जेनाजौ मोगा-मोगि जानादौ। शनिबार फुनिफ्रायनो गोजौ शिमलानि फारसे शनिबार फुनिफ्रायनो गोजौ शिमलानि फारसे थांग्रा मोनफ्रोमबो लामायाव बन्द' जादौ।



जादौ। माखासे लामाफोराव मोनाबिलिनि 4 रिगनि उनावसो बासफोरा खारदौ। बरफ गोग्लैनायनि जाहोनाव गोजौ शिमलानि 100 रुट या गोहोम गोग्लैदौ। हाजोफोराव बरफ गोग्लैनायनि जाहोनाव दिल्लीनि बोथोराबो सोलायदौ। बेवहाय गोबां खुवा खुदौ, जायनि जाहोनाव बिजिबिलिटीआ खम जादौ। पान्जाबनि माखासे जिल्लाफोराव अखा हानायनि उनाव गुसुआ बांसिन जादौ। जालन्धर, अमृतसर, लुधियाना, पाटियाला, सन्धरआव शुकुबार-शनिबारनि हराव थाद' थाद' अखा हादौ, जायनि उनाव बिदुआ 4 डिग्रीसिम दावखलायदौ। राइज्योआव 5.2 एम एम अखा हानायखौ रिक्ट खालामदौ।

9 बोसोर बैसोनि बोथोर सोलायनायनि मावसुमाया आबादारिफोरनि सोमावसारनायखौ मदत खालामदौ

गोदान दिल्ली, 13 डिसेम्बर: हादनाडे सोलिबाय थानाय आबादारिफोरनि सोमावसारनायखौ मदत होनो आधिखालाव भारतनि थांगिबि 9 बोसोर बैसोनि बोथोर सोलायनायनि मावसुमाया ओंखारबोबाय। लाइसेन्सप्रिया कन्जमआ आबादारिफोरनि गेजेरजौ खालामनाय आबाद आयेननि हेँथायै हेँथा होनायाव लोगोसे जानानै बुडेदि, मुलुगनि लाख-लाख बोथोर सोलायनायनि मावसुमाफोरा आबादारिफोरजौ लोगोसे दडा थांनय शनिबारखालि पेरिस रदायनि 5 थि बोसोररि सान फालिनाय समाव बिथाड बे



बयनिखुड बांसिन मैदर जानादौ। लान्थियै दै बाना, रनस्रव आरो गुबुन बोथोरनि जाथायफोर बायदि चक्रवात, टाइफुन, गुमा गावर्द बायदिफोर बिसोरनि आबादफोरखौ ख'हा खालामगासिनो दड। बोसोरफ्रोमबो रोजा-रोजा आबादारिफोर थैगासिनो दड। जौनि दैदेनगिरिफोरा आबादारिफोरनि बुंनयखौ खोनासंनौ। जौ गावनि आबादारिफोरनि थाखाय बिजिरनौ। बिथाड बुंनयदौ थाबैनो सोलिबाय थानाय आबादारिफोरनि खेभेदखो बोसोनो थाखाय मोनसे अरयथा रह लामा लानांगौ।

पावल' रसिनि जोबथा बिदाय होनाय समाव दाखाथि, नख 'रनि दाबि

रम, 13 डिसेम्बर: आनसा निउज एजेन्सिनि रिपोर्टनि बादियैब्ला इतालिन मुंदांखा फुटबलार पावल' रसिनि जोबथा बिदाय होनाय समाव बिथानि न'आव दाखाथि जादोंमोन। थांनाय बृहस्पतिवारखालि 64 बोसोर बैसोयाव जिउ गोमादोंमोन 1982 माइथायनि वर्ल्ड कापनि स्टारआ। मैया शानिबाराव इतालिन भिसेनजातआव रसिनि जोबथा बिदाय होदोंमोन। बिथानि अन्जालि बिसि फे डेरिका कोर्पेलितीनि फोरमायनाय बादियै जोबथा बिदाय होनायनिफ्राय न' फार्से गिदोंबोफिनानै न'थाव



हाबफेयोब्ला दरजानि तालाखौ सिमफायनानै गोबांथार बेसेन

गोसा मुवा-बेसादफोरखौ लानानै थांनाय नुफे यो। फे डेरिका नि बादियैब्ला सोग्यारि फिसाइ रसिनि गंसे बेसेन गोसा घड़ी आरो गोबांथार रां-रुपाबो खानानै लाडो दाखाथिफोरा। बे जाथायनि हेंथायै पुलिसआ संदानो जागायबाय होनायै बिथाडा फोरमायो। मख'नो गोनांदि, थांनाय 1982 माइथायनि वर्ल्ड कापआव गर 6 गल सोनानै हादतखौ वर्ल्ड

काप देरहाहोदोंमोन रसिआ। बिथानिनो जोबथा बिदाय होनाय समाव गोबां अन्सायारि आरो जायगानि सुबुंफोरा बाहागो लाफेदोंमोन। बे समावको बे दुखु नांथाव जाथाया सोमजिलाडो। इतालिन मुंदांखा फुटबलार फोर- मार्क 'तारदेलि, एन्टनिय' काबरिनि मोनहाबो बिथानि जोबथा बिदाय होनाय समाव बाहागो लाफेदोंमोन।

इस्ट बेंगल हान्जायाव नाइजेरियानि स्ट्राइकार ब्राइट

कलकाता, 13 डिसेम्बर: नाइजेरियानि स्ट्राइकारआ एसि इस्ट बेंगल क्लबाव फेबाय। नाइजेरियानि लाइमोन हान्जा आरो प्रिमियर लीग क्लब उलभारहे म्पतन वान्डारास क्लबनि आगु स्ट्राइकार ब्राइट एनबाकरआ बावैसोनि गेजेरावको इस्ट बेंगल क्लबाव फेबायगोन। ब्राइटनि क्लबाव फेबायगोन रोखा खालामबाय। बेराफार्से सोलिफु आइएसएलआव दासिम मोनब्रै मेच गेलेनानै मोनसेल' पइन्ट मोनो हादों इस्ट बेंगल क्लबाव। बेनि गेजेराव मोनथाम मेचखौ जेन्नाडो। कच पावलारआ दासिमको क्लबनि जाफुसारको हायैखौ लानानै जिगा सिनाय समावको ब्राइटखौ क्लबाव फे नायनि उनावको स्ट्राइकारआव दोनानयनि थंखि लादों। क्लबनि सुलुडा फोरमायनाय बादियैब्ला ब्राइटआ भारतयाव फेनानै गवा हान्जाजों मोनसे हाबाफारियाव बाहागो लागोन। क्लबनि सानै



जाफुसार स्ट्राइकार जेजे आरो बलबन्तमोनहा दासान्दि मोजा फर्मआव गैयैलाय इस्ट बेंगल क्लबावआ गल सोनायाव जाफुसारको हायाखै।

उलभारहे म्पतननि गल सोनो हान्जाजों मोनसे हाबाफारियाव बाहागो लागोन। क्लबनि सानै

मुवा-बेसादजों बुंफबनाय ट्राक लांखारनानै साब्रै हमजादों



मरिगाव, 13 डिसेम्बर: मरिगाव जिल्लानि रहा जडल बलहुनिफ्राय सलायग्रा-हेन्डिमेनजों लोगोसे मुवा-बेसाद लानाय गंसे ट्राकखौ लांखारनानै साब्रै दुथांफोरा पुलिसनि आखाइयाव हमजानाडो। गुवाहाटीनिफ्राय डिमापुर फार्से थांनाय एएस-25 इसि-3685 नम्बरनि गंसे ट्राकआ माहारियारि राजा लामाजों थांबाय थांनय समावको एएस-01 डिभि-4324 नम्बरनि मारुटि एल्ट' गारिजों सिगाडाव होथेनानै बे ट्राकखौ लांखारदोंमोन हान्जासे दुथां सुबुंफोरा। बे जाथायनि हेंथायै रहा पुलिस थांनयाव भारतयाव दाय आइन बादियै केस थिसनाय जायो। बे केस थिसनायनि बिथायावको नगाव पुलिसआ दिने लांखारनाय हाबायाव बाहायनाय गारि, लुत खालामनानै लांनय मुवा-बेसादफोर, मुवा-बेसाद रोगानाय गुबुन गंसे ट्राकजों लोगोसे साब्रै सुबुंफोरखौ हमनानै जेलआव दैथायहरो होनानै सुलुडा फोरमायो।

बिसायख'थिनि 6 दाननि सिगांनो हाजो आरो डुवार्सखौ संबिजितयारि गनायथि होनो विनय तामांनि दाबि

दार्जिलिं, 13 डिसेम्बर: सोनाब बंग बिधान सभा बिसायख'थिया खुंजानो गेजेराव 6 दानल' सम दंसे। बे समनि गेजेरावको संबिजितयारि गनायथि होनांगोन हाजो आरो डुवार्सखौ। विनय हान्जा खर्चा जनमुक्ति मसनि मोनसे मेलनिफ्राय राइज्यो सरकार



आरो मिरु सरकारनिसिम सांग्राथि हरपानै बुडो विनय तामांआ। दार्जिलिंजों लोगोसे डुवार्सखौ संबिजितयारि गनायथि सनगौ होनानै मिरु आरो राइज्यो सरकारखौ खावलायो बिथाडा। तामांआ बेखौबो बुंवावोदि, गिबि मन्थिआ हाजो आरो डुवार्सनि थागिबिफोरनो जाबखो-जाबखो जौगाखानायनि बाथा होनायफोरखौ सुफुंजोबनो थाखायबो खावलायो।

फोथाय खेबस' बिजेपि दोलोखौ राइजो राजाफोरा बे खेबाव नागारगोन: रिपुन बरा

गुवाहाटी, 13 डिसेम्बर: बिजेपि दोलोखौ बे खेबाव तिवा अट'नमास काउन्सिल बिसायख'थियाय राइजो-राजाफोरा थारलायनो नेवसिगारगोन- बे बाथाखौ बुडो आसाम प्रदेश कंग्रेस कमिटीनि आफादगिरि रिपुन बराआ। मोनसे बिसायख'थि फोसावदि मेलयाव बाहागो लानानै बिजेपिखौ गोखौ रावै सोंखारिनानै रिपुन बराआ लोगोसे बुडोदि, एआइउडिफेजों लोगो नांनानै बि टि आरनि बिसायख'थिनि थाखायल' ज' जादोंमोन होनानै बुडो। दिने तिवा अट'नमास काउन्सिलनि 11 नं जनबिल बियाबनि कंग्रेस दोलीनि बिजाथि दिपली बर'नि जानानै



बिसायख'थि फोसवदिनाय मेलयाव बाहागो लानानै बे बिबुंथिखौ लाखियो प्रदेश कंग्रेसनि आफादगिरि बराआ। मख'जाथावदि, फेगौ 17 डिसेम्बरआव खुंजानो मोन 36 बियाबनि तिवा बिसायख'थिनि



आबहावाखौ लानानै गोखै हाबाफारि आजोवनो जुथाय हादतया खावलायदों

पेरिस, 13 डिसेम्बर: आबहावाखौ लानानै मुलुगनाडै इमार्जेन्सि फोसावनायनि गोनांथि होदों जुथाय हादतनि नेहाथारि गाहाय एन्टनिय' गाहाय नेहाथारि गाहाय एन्टनिय' गुतेरेसआ सोद्रोमा हादतफोरनि फार्से आबहावानि बेलायावबो इमार्जेन्सिनि राहा आजोवनो खावलायदों। दरफोमबो हादतखौनो कार्बन दिहु न्नायखौ बाडाइ खालामनानै लाबोको थाखायबो बिथाडा सोद्रोमा हादतफोरखौ खावलायो। क्लाइमेट एम्बिसननि मोनसे भासु'येल जथुम्माखौ बेखेवनानै जुथाय हादतनि

नेहाथारि गाहाय गुतेरेसआ खावलायो। पेरिस आबहावा रादाय सागान होनायनि 5 बोसोर जाफुसारनायनि मुडै बे जथुम्माखौ खुंनय जादों। नेहाथारि गाहाय एन्टनिय'आ बुडोदि, मुलुगनाडै गडु हिसाबे बिदुं बांनयखौ से खावसे डिग्रि सेल्सियासनि गेजेरावको हमथानानै लाखिनो बिथाडा खावलायो। बिथाडा आथिखालाव होनाय बाथाफोरा थोजसे नड। बिथाडा सांग्राथि होनानै बुडोदि, दानिफ्रायनो गावबा गावनि हाबाफारियाव सोलायनाय लाबोको हायाब्ला सोलिफु जौथाइयावको गडु हिसाबे बिदुं 3 डिग्रि सेल्सियासनिखुडो बांसिन नुनो

मोन्दों आरो बेनि बिजाउनआ गिलु-बालु गिथावना जाहेंगोन। बिथाडा बुंवावोदि, बेनि थाखायनो दिने जोडो बुहुमनि साफोमबो दैदेनगिरिफोरखौ गावबा गाव हादतफोराव आबहावानि फार्से इमार्जेन्सि राहा फोसावनांगो होनानै खावलायो। बारमन्डलआव कार्बन ज' जानायनि हारखौ लाथिख'सिम लाबोनायनि (कार्बन निउट्रालिटी) थि थंखि लानाया जाफुं जासिम बे इमार्जेन्सि रहाखौ लाखिलांबाय थानो खावलायो। मख'नो गोनांदि, आमेरिकानि आगु हादतगिरि बराक अबांमनि नाजानायाव 2015 माइथायाव पेरिसआव पेरिस आबहावा रादायखौ

सागान होनाय जादोंमोन। रादाय बादियै दरफोम हादतफोरा गावसोरनि गडु हिसाबे बिदुं बांनयखौ 2 डिग्रि सेल्सियासनि गेजेराव हमथानानै लाखिनो सागान होलायनाय जादोंमोन। नाथाय बे थंखिखौ मोनहैनो दासिमबो जाफुं सारनो हायाखै। अदेबानि करना भाइरासनि बिजाउनआव गुबुन गुबुन हादतफोराव लकडाउन होनाय आरो थंलाय-फैलाय हाथा-मेला होबथानानै लाखिनानयनि जाउनवाव बे बोसोराव कार्बन ऑंखारनाया एसे बाडइ जादों होनानै थांनाय सप्ताहयावको फोरमायदों जुथाय हादतआ।

अला आरो उबेर सिबिथायआ गुवाहाटीयाव 15 डिसेम्बरनिफ्राय बन्द थागोन

गुवाहाटी, 13 डिसेम्बर: सोलिफु दाननि 15 अक्टनिफ्राय गुवाहाटी नोगोरमायाव अला आरो उबेर हाथा-मेला सिबिथायआ बन्द जासिगोन। उला-उबेरनि सालायगिरिफोरा मोनसे जथुमनि गेजेरजों सोमावसारनायनि आयदा फारि महरै बे थंखिखौ फोसावयो। बिथामोननि अजद होनाय बादियैब्ला अला-उबेरनि सालायगिरिफोरा अरायसम नासयजानायनि थाखायनो बेनिफ्राय रैखा मोनो बे थंखिखौ लानाय जायो होनानै फोसावयो। बिथामोननि दाबि बादियैब्ला सिबिथाय होनाय समाव भारा लानायखौ थि खालामनाय, कम्पानिनि कमिसनखौ 10 जौखोन्दो खमायनाय, बुकि खालामनाय थावनिनिफ्राय मिटर सर्जाबफानाय, जाहोन गैयालासे सालायगिरिनि एकाउन्ट बन्द खालामनो लानायखौ नागारनाय आरो गारिनि फोरमान लाइफोरखौ



बोसोरसेनि थाखय रेहाय होनाय, जिउ रैखाथिनि पेसेन्जार बुकि एएसआव के वाइ सि खालामनाय आरो ड्राइभरफोरजों लोगोसे नख'रनि सोद्रोमाफोरनि फहामथाय बिथिडाव मदत खालामनाय बायदि दाबि खालामनानै बे सोमावसार हाबाफारिखौ आजोवनो होनानै मिथिनो मोनाय जादों।

भारतनि दर 10 जायगाफोराव दावबाय हैनानै रंजानाय-बाजानाय खालामनो हागोन

गोदान दिल्ली, 13 डिसेम्बर: भारतआव दर 10 था बरफजों खोबफबना थानाय हाजोफोर द, जेराव दावबायहैनो हागोन। सलबेवहाय दावबाय हैनानै गोसोखौ गोजोन्नाय मोनगोन। जुदि स्कीइ ट्राइ खालामनो गोसो जादोंब्ला औलीयाव थांनगौ। बेयो उत्तराखान्डनि हिल स्टेशन जेराव नभेम्बरनिफ्राय मार्च दानसिम दावबायारिफोरा स्न एक्टिभिटीनि रंजानाय जाबाजानायखौ लानो हागौ। मानोना औलीआ मोनसेल' बायबो सुबुंफोरजों अन्साय जानाय स्कीइ डेस्टिनेसन। अरुनाचल प्रदेशयाव तावांगयाव दावबायनो थाखाय डिसेम्बरआ बर्यनिखुडो साबसिन ससम। मानोना बे समाव बेवहाय गोबां बरफ गोलैयो। बियो 6 थि दालाइ लामा त्सांगयांग ग्यात्सोनि जायगा। तावांगआ समयाण मठ सआरो मिथिगायारि समयायनि थाखाय मुंदांखा। बिलोफोर आरो हाजोफोरजों बेखननानै थांनय नैनीतालयाव गासिबो सुबुंफोरा दावबाय हैनो मोजां मोनयो। हाजार हाजार दावबायारिफोरा नैनीतालयाव क्रिसमास आरो गोदान बोसोरखौ फालिनो थाखाय दावबाय फेयो। हिमाचल प्रदेशनि शहर मानालीयाव गोबां सुबुंफोरा दावबाय हैयो। नभेम्बर दानयाव मानालीयाव बोथोरनि गिबि बरफ गोलैदों आरो आथिखालाव बे शहर फुरायै बरफजों खोबफबना दं। गडवाल हिमालय टिहरी जिल्लाया मोनसे हिल स्टेशन आरो साहस गोनां जरा मोजां मोनलायग्राफोरा लबे जायगायाव दावबाय हैयो। घनल्टीयाव बरफजों खोबफबना थानाय ओन्सोलाव स्कीइनि रंजानाय बाजानायखौ लानो हागोन। जाय सुबुंफोरा मिथिगाखौ मोजां मोनो, बिसोर बेवहायनि हाजोआव रडेन्डुन, देबदार आरो गोजों गोजों अक बिफानि हाग्रा बारियाव रंजानायखौ

लानो हागोन। घनल्टीया डिसेम्बरनिफ्राय फेब्रुवारीनि गेजेराव दावबाय हैनो हागोन। अल्मडाआ उत्तराखान्डनि दरसे छावनो शहर आरो बे जायगानिफ्राय बरफजों खोबफबना थानाय हिमालयखौ नायनाया सिमां बादि जायो। देबदार आरो अक बिफांफोरजों बुंफबना थानाय अल्मडाखौ गुबुन गुबुन आसार-खाथि थांनयनि थाखाय मोनथिनो मोननाय जायो। अल्मडायाव थांनय चित्तइ आरो नन्दा देबि बादि मन्दिरफोराव सुबुंफोरा दावबाय हैनो मोजां मोनयो। बेनि अनगायै बेवहायनि 200 बोसोर गोजाम लाल बाजारयावको दावबाय हैनो हागोन। गुलमार्गखौ डिसेम्बर दानयाव गोबां समयाण नुयो। पीरयाव थांनय सोनाब हिमालयआव पन्जाल रेन्ज. गुलमार्गआ दावबायनायनि चिन्तापल्ली मन्डलनि सानजा घाटयाव थांनय लांबासिंगीआ अन्ध्र प्रदेशनि दरसे फिसा गामि। नभेम्बरनिफ्राय जानुवारीनि गेजेराव लांबासिंगीयाव दावबाय हैनो हागोन। मानोना बे समाव गोबां बरफ गोलैयो। दार्जिलिंखौ सोनाब बंगनि मानालि बुंनय जायो। हिमालयनि तलहटीयाव थांनय बे शहरया मुलुगनि थामथि बर्यनिखुडो जौसिन सहाजो थिखिनि कनचनजंगांनि थाखाय मुंदांखा। 2018 याव बेवहाय 10 बोसोरनि उनाव गोबां बरफ गोलैदोंमोन। उत्तराखान्डनि मुनस्यारीआव गोबां खम सुबुंफोरा दावबाय हैयो आरो बेखौ फिसा काश्मीर मुडैको मोनथिनो मोननाय जायो। बे समयाण हिल स्टेशनयाव बरफजों खोबफबना थानाय हिमालय रेनजनि मोनसे गोमोथाव नुथाय।